

چائینیز کمیونسٹ پارٹی



چائینز کمیونسٹ پارٹی

چئیرمین زرین بلوچ



بلوچ اسٹوڈنٹس آرگنائزیشن آزاد

کتابک : چائیز کمیونسٹ پارٹی

نہشتہ کار: چئیرمین زرین بلوچ

چھاپ : 2026

زبان : بلوچی

ڈس : عطاشاد ڈگری کالج تربت

تندجاه : www.bsoazad.org

ای میل : admin@bsoazad.org

چائیز کمیونسٹ پارٹی

پہچان:

اگان ما چین ۽ کمیونسٹ پارٹی ۽ آشوبی ماڈل ۽ سر۽ کسانیں چمشانک بہ دئیں گڑا آئی ۽ تہ۽ راجی ربیت، دود، تہی اڈاند، کشت ۽ کشاری ۽ کاگد۽ بیپاری، باسمائی ۽ پگری علم ۽ چیدگ، نوک هیاتی (Renaissance) ۽ وهد۽ دیمروئی کرتگیں راجماناں بگر داں پدمنتگیں راجمان۽ نیمگ۽ روگ ۽ نشہ کنوکیں راج۽ نام۽ زانگ، دومی ہمک زورگیر۽ سلکاری، نادراہی، زلم ۽ زوراک، آیانی گپتمان، مذہبی، زبانی ۽ ربیدگی سان ۽ زوراک۽ ہلاپ۽ یکشل۽ جہد ۽ گپگیری کنگ دانکہ وت۽ را دنیا۽ مہکم ترین راج۽ منارینگ، اے گل چین ۽ آشوب ۽ سوہندی۽ اوزار آنت۔ اگان سیاسی رد۽ چمشانک۽ بہ دئیں گڑا پدمنتگی ۽ دیمروئی ۽ ہر دوئیں تک ۽ پہناتاں چینی راجمان۽ ناامیتی۽ جاور، راجمانی سیادی۽ نزوری، بادشاہانی ہاکمی، کوہنیں دود۽ وتگرڈیں تک ۽ تہر گندگ بنت۔ اشی۽ ایید ہورتچاری۽ چہ زانگ۽ پد گڑا ما زانت کنیں کہ چین ۽ آشوب ۽ بندات ۽ بنہشت کجا چہ کنگ بوتگ؟ نوآبادکاری زمانگ۽ رہبند۽ چہ پیسر۔ چینی راجمان۽ گس جنگی، تہی اڈاند ۽ راجمانی دیمروئی۽ سائنسی چم۽ چارگ۽ گون ما آشوب ۽ دیمروئی ۽ نزوریاں یک کالب۽ آرگ۽ سوہمند بوت کنیں۔ آشوبی جنز۽ جاورانی چارگ، ٹپاسگ ۽ سرگوست۽ سیاسی جوڑشت ۽ راجمانی دود۽ تہ۽ جیڑہانی گیشواری، آشوبی کاروان۽ راجدپتری ردوم، راجمانی برابری ۽ دودمان۽ سیادی۽ بنودی سپر۽ ارزشت۽ سرپد بوگ۽ چہ پیش ما آئی ۽ آشوب ۽ ابرم، زمینی راستی۽ بنیاد۽ سرپد بوگ۽ جہد۽ کنیں۔ ہمے گلیں رھبندانی چارگ۽ پد ما چینی آشوب ۽ پیچ ۽ تاباں وتی سیاسی تراناں گون چار ات کنیں۔ چیا کہ راجی جنزانی راجدپتری جاورانی ٹپاسگ۽ من ۽ مراد ہمیش انت کہ ما یک نوکیں راہ ۽ درے شوہازگ۽ این۔

چینءِ راجمانءِ آشوبءِ چہ پیسر۔ ہزاراں کتاب چاپ ءُ شنگ کنگ بوتگ۔ دنیاۓ بندپترۂ کارجاہی آشوبیءِ سک باز نام گرگ بیت کہ کاگد ءُ چاپارۂ اولی دور زانگ بیت۔ بلے وھدے کہ ما چینۂ بندپترۂ وان این گڑا ما اے گپءِ سر بوت کنیں کہ کاگدۂ بیپاریءِ اولی دور ماں چینۂ بندت بوتگ۔ ہمیشکہ مارا بندپتری وتگڑیں کسپے ماں روداکی بندپترنویساں پیشدارگۂ جھد کرتگ۔ اشیءِ ابید چینۂ آھن ءِ یک ٹوھیں کارجاہے بوتگ، کہ آئیءِ جنگی ءُ استانی لوٹانی سرجم کنگۂ یک سالۂ یک لکۂ چہ بگر داں 25 ہزار ٹن آسن جوڑ کرتگ۔ بیپاریءِ ابید کدرتی زانتۂ ردۂ ہاسکر ربیدگی سیادیءِ گوں کجام ہم راجۂ بندپترۂ وانگۂ پد مارا اے ہیال ایر کنگی انت کہ راجدپتری ردومۂ تہۂ زانشتی ءُ عملی سرگوست، دانشمندیءِ میار ءُ دیمروئیءِ چہ بنی آدمۂ چونیں نپ ءُ سیتے رستگ۔ اے کلیں شرپ چینانی بہت ءُ تالہۂ گوں بندوک انت کہ آیان زانندگیں سائنسدان، انجینیئر ءُ ایڈگہ کار ءُ کسابانی واھندیں مردم علم ءُ زانتۂ سری دوران گندگۂ اتکگ۔ ”مزنیں تاکتانی سوہندی ءُ زوال“ ءِ نبشتکار کار پال کینڈی نبشتہ کنت کہ چینی راجمانۂ چاگردی دیمروئیءِ سپر یانزدہمی کرنۂ کاریزی رھبندۂ بگر دانکہ شہرداری رھبندے بوتگ ءُ ہمے رھبندۂ مزنیں زانتکار ءُ سوھوئیں مردم بوتگ انت۔ چینۂ مردم وتی دودۂ ارزشتۂ چہ آژناگ بوتگ انت۔ یک کرنۂ پیش ملکی بوجیگۂ بیپاری ءُ مشینریءِ وسیلہۂ چہ وتی ایمپائر جوڈ کنوکیں زانتکارانی گشگ انت کہ 1368 ءُ منگ کٹمۂ راجمانۂ تہۂ نوکتریں جسدی شےۂ جوڑ کنگۂ مزنیں کردے پیلو کرتگ ءُ چینی سلطنتۂ یکمشتی ءُ تپاکیءِ چہ منگولاں باج بُرتگ۔ بلے دومی نیمگۂ منگ کٹمۂ 1644ءِ تاکتوریں منچو کٹمۂ پدمنتگیں ہیالانی سببۂ آ پروئیءِ اماچ کت انت۔ دنیاۂ رھبندۂ مٹ بوتگیں لوٹانی ردۂ پُرارزشت داریں شوربندیءِ چہ دیر بوگۂ سببۂ زوالیءِ روچ آیانی سرۂ ساھیل بوت انت۔ راجانی بدبھتیءِ مستریں سبب ہمیش انت کہ آ دیمروئیءِ پدکردۂ گوں وتۂ آژناگ کنگۂ بے

سوب بنت۔ آیانی گورۂ وت نگدیۂ بودشت نہ بیت، پہ وهد راجی رهشونانی گامگیچ نہ زورگۂ توکل نہ بیت گڑا آیانی جاہۂ تہنا ہما ٹولی مان آنت کہ آ بے سیتیں کارپد ۂ گامگیجانی نیمگۂ رو انت، گڑا چریشیۂ سببۂ راج پدروئیۂ آماچ بنت۔

وهدے ما چینی راجمانۂ تمنی پڑدراں بہ ٹپاس این گڑا مارا سما کپیت کہ آیانی راجمانی جوڈشتۂ اڈاند مدامی زمیندار ۂ زرداریں ٹک ۂ کٹم بوتگ آنت کہ آیان ڈنی زورآور ۂ الگارنۂ کمک کرتگ کہ آچینۂ نیمگۂ وتی هیالان گور بہ کن انت۔ تمنداری، کٹمی، سرداری، بادشاہی ۂ جاگیرداری رھبندۂ تہۂ دھکان ۂ پوریاگرانی لُٹ ۂ پل کنگۂ وهدۂ مدام زورآورۂ ہمبہراہ بوگ ۂ اُلسی آشوبۂ میانۂ اڈاند جوڑ بوتگ انت؛ آ زرداریں ہاکمیۂ منوگر بوتگ انت، آیان تہنا وتی پائندگ چار اتگ۔ ماؤ وتی کتابۂ ہمے تمنداریۂ بابتۂ گون تچکیں لہزان درشان کنت کہ اے مردم زرۂ پشتۂ مدام سیر بوگ لوٹ انت پمیشکہ ہمے تمن زورگیرۂ دستۂ کارمرز بنت۔ چینی راجمانۂ گیشتریں بہر دھکان ۂ پویاگر بوتگ انت، لس زبانۂ اشانۂ ایردست ۂ لگتمالیں مہلوک گشگ بیت۔

چینی راجمانۂ بندپتری سپر، نیم نوآبادکاری دور، جاگیرداری، نوکرشاہی، زمینداری، دھکان ۂ پوریاگرانی جسدی ۂ مالی پلپانچۂ رھبندۂ ہم ہوار انت کہ آیان وتی زمین ۂ ڈگار دھکاناں پہ باڑہۂ سرۂ داتگ۔ ہمے نیامۂ اشانۂ وام ۂ ملام ہم گپتگ۔ ہمے رھبندۂ بنیادۂ دھکان مُپتۂ کار گپت آنت۔ دھکان ہمے لُٹ ۂ پُلۂ آماچ بوتگ انت۔ ”نفسیاتۂ ردوم“ ۂ نبشتکار رفیق جعفر وتی کتابۂ نبشتہ کنت کہ دھکانۂ مہنت ۂ آیانی جوانیں رنگۂ کار کنگۂ بروردۂ چینی راجمانۂ زر ۂ ربیدگۂ میانۂ دیمروئی پیداک بوتگ بلے جاگیردارانی پُلپانچ ۂ زوراکۂ سببۂ چینی دھکان چہ کرناں گریبی ۂ بزگیۂ زندۂ گپچلاں کپتگ انت۔ بندپتر اے گپۂ شونۂ دنت کہ راجی

دیمروئی ءُ دنیاۓ گامان گون همگام بوگۓ جاورانی دیمپان بوگ باز اژدری انت. وتی تہی اڈاندانی گیش ءُ گیوار کنگۓ مُول ءُ مُراد اش انت کہ وهدے زورگیر یک راجے ءُ گلام دارگۓ گامگیجاں زور ایت گڑا ڈرستیاں چہ پیش زرداریں ٹکۓ رھبند ءُ ایدگہ اداربانی نزوریاں چہ پانڈگ چست کنت۔

چینی راجمانۓ سرپد بوگۓ دو تک ءُ پھناتانی دلگوشداری اژدری انت۔ اولی، جاگیرداری رھبند ءُ دومی، زورگیری ءُ لُٹ ءُ پُل۔ نون مارا چارگ لوٹ ایت کہ نوآبادی زمانگۓ وهدۓ نیم نوآبادی زمانگۓ زندمانۓ چون دیمروئی کرتگ۔ نیم نوآبادی زمانگۓ لبز پمیشکۓ کارمرز کنگ بیت کہ جاگیرداری رھبندۓ دستۓ چین دری استانۓ ایردست نہ بوتگ بلکیں اشیۓ جاہۓ یک نوآبادی زمانگۓ شوربندی یے بوتگ کہ آئیۓ سببۓ چین بہر ءُ بانگ کنگ بوتگ۔ اولی رندۓ امریکۓ ڈنی سروزیر جان ہائے 1899 ءُ پہ چینۓ ”پچیں دروازگ“ ءُ شوربندیۓ نام داتگ۔ کتاب ”جنگ افیون سے آزادی تک“ ءُ نبشتکار اسرائیل اپسٹن گشیت کہ بٹوارہۓ وهدۓ چینۓ گون اے جُست کنگ نہ بوتگ کہ آوتی دروازگۓ پچ کنگ لوٹیت یاکہ بند۔ جنگۓ اپیونۓ بیپاریۓ میاں استمانی روزیگۓ بستارۓ چینۓ بہر بانگیۓ شوربندیۓ نیم نوآبادی زمانگۓ وهدۓ گیش مہکم کرتگ۔ نوزدھمی کرنۓ بنداتی چل ءُ ہشت سالۓ چین ماں ”پچیں دروازگ“ ءُ شوربندیۓ سببۓ اودۓ 45 لک سیرۓ چہ گیش نوہ کروڑ اپیون دراتکگ۔ 1853 بگر داں 1855ء ماں چینۓ دو کروڑ تنگہۓ تولہ ڈنۓ شتگ۔ اے گپ برطانوی کارندگ ہزی پوٹینگر ءُ چہ مالوم بیت کہ آئیۓ رپورٹۓ ردۓ یکے آئیۓ جُست گپتگ کہ ”شما مئے ملکۓ پوستۓ کاروبارۓ بند کنگۓ گون پرچا شریں روشتے گندگ نہ بیت ءُ شما پرچا بنی آدمۓ تاوان دیوکیں بیپاریاں نہ دار ات؟ گڑا پوٹینگر اے گپۓ پسو دنت کہ بیپاری ہمینکس ہراب بہ بیت بلے برطانیہۓ ہکومت اشیۓ داشت نہ کنت چیاکہ اے ہمے رھبند ءُ ہلاپ انت۔ پوٹینگرۓ ردۓ اپیونۓ بیپاری مئے رھبندۓ پلہ مرزی انت۔ مگر بی شوربندی ہمیش انت کہ آئیۓ یک

دستےء بائبل انت گڑا دومی دستےء ایون انت۔ ہمیشکہ دنیاۓ زانتکارانی منگ انت کہ کجام ہم شے یےء دیمروئی ۽ پدروئی ۽ سوب ڈئی نہ بنت بلکیں تہ ۽ توکی آنت۔ پدا گلامیں راج مدام تہی چیڑھانی آماج بیت۔

اپیونۓ جنگۓ بگر داں بادشاہی ہاکمی ۽ ہلاسیۓ چینی راجمان دیمروئیۓ چہ پدروئیۓ نیمگۓ اتکگ۔ آئیۓ بنکی سوب آشوبی تاکتۓ نہ بوگ، وانگ ۽ زانگۓ چہ دور بوگ، وتی مچانکی تاکتۓ نزوریۓ دیمپان کرتگ ۽ لس مہلوک زورگیرۓ اوستۓ یلہ داتگ۔ 1840 ۽ چینۓ ہلاپۓ برطانیہۓ زلم ۽ زوراکۓ پد چینۓ سرۓ دومی ملکانی اُرش یکوئی برجہ منتگ۔ 1840 ۽ اپیونۓ جنگۓ چین نیم نوآبادی دورۓ بگر داں نیم جاگیری رہندۓ دیمپان بیت۔ 1904 بگر داں 1905 ۽ روس ۽ جاپانۓ میانۓ جنگ چینۓ سرزمینۓ بیت، آئیۓ مکسد چینۓ گوریچانی رودراتکی شہرۓ ایردست کنگ بیت۔ بہر ۽ بانگی شوربندیۓ چہ چینۓ بندن ۽ تیابۓ سرۓ وتی پوزیشنۓ مہکم کنگۓ سوبۓ میان استمانی زورگیر وت ماں وتۓ جنگ بنا کن آنت۔ درستان گیش اے جنگۓ چینۓ سرزمین کارمرز کنگ بیت۔ 1905 ۽ جاپان ۽ روسۓ جنگ ہم چینۓ سرزمینۓ کنگ بنت۔ اے جنگۓ چینۓ بازین دمگ آئیۓ دستاں چہ رو انت۔ نوزدھمی کرن چین ۽ Humiliation of the country نام ۽ چہ زانگ بیت۔ پرچا کہ جنگانی زدۓ مدام نزوریں راج سلکاری، وت ماں وتی جنگ ۽ جدل، زرداریں ٹکانی زلم ۽ زوراکانی دیمپان بیت۔ ہمے سلکاریانی آماجیں راجمان 1839 ۽ زورگیری ۽ اپیون جنگۓ سببۓ چین پروش وارت۔

بندیترۓ بابتۓ چمشانکاریں زانتکارانی گشگ انت کہ چینۓ نزوریۓ مستریں سوب ہستیں زانشتۓ دیمروئی نہ کنگ، ربیتی جنگۓ بہر بوگ، وتۓ چہ محدود بوگ ۽ دنیاۓ لوٹانی ہسابۓ نہ جنزگ انت۔ چرے گلیں سوباں چینۓ دیمروئی نہ کنگۓ مستریں اڈانڈ انت۔ دیمروئی کنوکیں

راجمانی ترزکارہ نہ بوگ، آشوبی کشت کشاری ء کارجاہی رھبندی نہ بوگ، کوهنیں سلاہاں گون جنگہ بہر بوگ ء زمینی راستیاں چہ ناآشنائیء سوبہء جاپانہ 1894ء دھکء وتی نوکیں سلاہ ء ساماناں گون بیپاریء دیمروئی دیگہ ہوار آئیء چینہ سرہ ارزانیء پلپانچ ہم کتگ۔ چینہ جاگیرداری رھبند 3 ہزار سالہء دان برجہ ات ء شانزدهمی کرنہ یورپہء چینہ کش ء گوران بیپاری بندات کت۔ آیاں جوانیں کاسگ ء دزسازیں سامان یورپی ملکاں مزین کچہء بہا کت۔ پال کینڈی جاہےء گشیت کہ روزیگی دیمروئیء مزین بودشتہء ابید چائناہء وتہء را انچیں وھدےء گستا کت کہ اے وھدہء چائناہء کش ء گوران بازیں موہ ء موکل بوتگ کہ چرآیاں آنپ چست کت بہ کت۔ ایڈورڈ سعید وتی کتاب ”اورینٹلزم“ ء تاکدیم 48 ء ہمے گپ ء تراناں دیمہء برانہء گشیت کہ 1881 ء فرانس ء برطانیہء گورہء وپاداریں ء نزیکیں ہمسننتیں ملک بوتگ انت کہ آیاں نیزگاریں ملکاں دور کنگہء شوربندی ٹھپنتگ۔ آیانی زمین کوزہ کنگ انت ء وتی ہمسننتانی ہمرائیء بہر ء بانگ کنگ انت۔ چینہ جیڑہ ہم ہمے داستانہء یاداشتہء گون بندوک انت۔ اِشاں چینہء را وتی تاکتہء سوبہء جتائیں زمینی ٹکراں بہر کتگ۔ اپیونہء بیپاریء سوبہء ڈنی زورآوران چینی سرزمین کارمرز کتگ۔

بیستمی کرن آشوبی سال ء سند زانگ بنت۔ اے سال ء سندان ایردستیں راجاں وتی آشوبی سنج ء سما ماں دنیاہء شنگ ء تالان کتگ۔ چین ہم ہمے راہہء بہ وت گچین کت ء تہی ء ڈنی دژمنہء ہلاپہء اُلسی جنگہ بنا کت۔ اے گچینی راہہء مکسد ہمے بیت کہ بادشاہی ہاکمی ہلاس کنگ بہ بیت؛ پرچا کہ 1644 ء بگر دان 1911 ء وھدہء بادشاہی ہاکمی بوتگ۔ 1911 ء ماں چینہء اُلسی سرکشی ء گہگیریء سوبہء 2 ہزار سالان چہ گیش برجہ داشتگیں بادشاہی نظام ہلاس کنگہء ہواریء 1912 ء اولی گچینکاری ہم کنگ بیت۔ سن یات سن آ وت راجدوستے بیت، آ سئے لیکہپانی بنیادہء وتی شوربندیء تچک کت۔

(1) راجدوستی

(2) جمہوریت

(3) سوشلزم

اے لیکہ ءُ ہیالانی بنیادۂ بادشاہۂ پدمتگیں ربیتی دور ءُ باریگۂ
 ہلاسی ءُ نوکیں اُلسی استانۂ دیمروئی کنگۂ شوربندی دیمۂ آرگ بنت۔ بلے
 بادشاہی نظامۂ ہلاسیۂ پد راجمانی جوڑشتۂ تہۂ مٹی آرگ ارزان نہ بیت
 پرچا کہ چائناۂ مہلوک چہ کرناں وتی زندۂ ہمے شنگ ءُ شانگیں جاوراں گوں
 گوازینگۂ انتت؛ بلے آشوب سرجمۂ سوہمند نہ بیت چیا کہ تہنا چہنگ گٹمۂ
 ہلاسیۂ پد زورآور ءُ جاگرداریۂ پُلپانچ ہرجاہ مان انت۔ بادشاہی ہاکمی ءُ
 جاگردارۂ وتی تیار کتگیں سامانانی رکینگۂ پہ چینۂ انچیں مڈی جوڑ کنگ
 کہ اودۂ ہمک تاکت کیت ءُ آیانی وسیلہۂ وتی بیپاریۂ ہرجاہ بہ داریت۔
 اے سرکشۂ چینۂ مہلوکۂ سرۂ ہج وڈیں جوانیں سانے نہ کپیت۔ 1915ء
 مان چینۂ یکرندے پدا مردمانی ایرادگری ءُ نگد بندات بیت۔ استانۂ
 ،مانگیش اتگیں جاورال، اگدباریۂ واہشت، استانۂ جنزینگۂ واہشتۂ سرۂ
 نگد کنگ بیت دگہ بازیں سوبانی بنیادۂ سن یات سن وتی اگدہۂ یلہ دنت۔
 1915ء جرمنیۂ چینۂ یک سوہپے Shan Dong ءُ سرۂ وتی کوزہ ہرجمینت
 دانکہ جاپانۂ ہم موہ رست کہ آ وتی سیاسی ءُ روزیگی سانان گیش بہ
 ودین ایت۔ مان چینۂ جتائیں ہنداں کسان مزنیں سرکشی بندات بنت بلے
 جنگی سنج ءُ زانتۂ نہ بوگ، جنگی گل ءُ مہکمیں تاکتۂ نہ بوگۂ سوبۂ
 بے سوب بنت۔ اے جنگۂ لکۂ کچاں چینی پوریاگر ءُ لس مہلوک کشگ
 بنت۔ آیانی گُربانی شמושگ نہ بنت چیا کہ آیانی گُربانیۂ سوبۂ چینۂ سرۂ
 سرجمین کوزہ کنگۂ بے سوب بنت۔ پہ چینۂ مہلوکۂ اے گُلیں سرگوست
 درونتےۂ ڈولۂ پش کپ انت دانکہ لس مہلوک پوہ ءُ سرپد بیت کہ آشوب
 تہنا ہکومتۂ مٹ بوگۂ نام نہ انت بلکیں سرجمین نظامۂ را نوکیں
 جوڑشتۂ تہۂ آرگ انت۔

4 مئی 1911ء جنرے چینے سیاسی گوستانکے میانے مزین کر دے پیلو کت پرچا کہ اے جنرے بنداتے بورژوائی سروکانی زور هلاس بوت، اشیے جاهے نیزگاریں ٹکے سروکان گپت۔ چدان مارکسی زانتے مارشت، گل سازیے ارزشت، راجمانی اڈانڈے زانت، آشوبی عملے میانے ربیت پسندے هلاسیے چه کمیونسٹ پارٹیے جوڑشت اولی مزین آشوبی راجدپترےے بندات انت۔ 1921 ء پیش شنگ ء شانگین دور ء باریگے چوشین رهشون نہ بوتگ کہ آ سرجمین ملکہ بنجابه تاکتے یکجہ کت بہ کنت ء جنگیانان (Warlord) لس مہلوکے دیمے پدر بہ کنت۔ دور ء گوستانک، پگر ء سما ء سرید بوگ هما وهدے گران بیت وهدے کہ جاور گون هورتنے چارگ ء تپاسگ مہ بنت ء آیانی تاکتے زهنے دارگے شرتر انت کہ تاکتے چپ ء راست وانگ ء زانگی انت۔ ایون جنگ چه بادشاهیے هلاپے 4 مئی 1919ء وهدے چینے مہلوکے گورے هچ وڈین لیکہ نہ بوتگ کہ آ زوراکے دیمے داشت بہ کن انت۔ بہ گپتے ماؤ ٹیگ ء بنداتی وهدے مئے هیال، لیکہ، شوربندی، پروگرام زمینی راستیاں گون بندوک نہ بوتگ انت ہمیشکہ راج وتی بے سوبیے چه سکین زورانے وتی ردی مار اتگ انت۔

گوستانک همے بنیادے راستیے پیش دار ایت کہ همے ایونی راج دیمترے دنباے تاکتورین هندےے وتے سر کنت ء اشیے تمے کمیونسٹ پارٹی آف چائناے مزین کر دے بیت۔ گون جاپانے پہ جنگے چینی لس مہلوکے بونکی پروگرام ات کہ آ ماں چینی کمیونسٹ پارٹیے 1934 ء دیمے آؤرت دانکہ لس مہلوک یکجہ کنگ بہ بیت ء مہلوکے را زورگیریے هلاپے سلاہند کنگ بہ بیت ء آیاں چه زمین پچ گرگ بہ بیت۔ پارٹی وتی تربیتی دیوانان همے گپان دیمے کار آنت کہ جاپانے هلاپے جنگ هما وهدے داں سوہمند بوت نہ کنت وهدے کہ آیانی کرد لس مہلوکی تب ء روشتنے جہگیریے مہ کن آنت۔ ماؤے کرد راجدوستیے نیمگے بوگ ء زورگیریے هلاپے جہدے گون بندوک بیت۔ جاپانی گہگیریے وهدے ماؤے وتی پارٹی پالیسی مٹ کت انت۔ تمنی

جنگ ۽ چوپ۽ ۽ چه دزکش بوگ۽ پد پارٹی۽ مهلوکی کمک۽ وتی نیمگ۽ آرگ۽ گلیں تاکت یکجہ کت انت۔ 1937 ۽ جاپان ۽ هلاپ۽ گهگیری۽ جاوړ۽ پارٹی۽ وتی گلیں کمیٹیاں گشتگ که آ وتی دل ۽ جان۽ په گلزمین۽ ندر به کن انت۔ آ شپ ۽ روچ همے اوگام۽ هر کوچگ ۽ دمگ۽ تالان به کن انت که ”جاپان چین۽ یله به کنت“۔ وهده که جنگ بندات بیت گڑا پیریں، ورنه، زهگ ۽ زالبول جاپان۽ هلاپ۽ گهگیری۽ وتی زمه واری۽ سرپد به بنت۔ اد۽ پارٹی۽ بنجاهی زمه واری همیشه ات که جنگی گهگیری۽ چه لس مهلوک وتی یکمشتی۽ گون جاپان۽ وتی سر ڈگار۽ به کش ایت۔ جاپان۽ هلاپ۽ پارٹی وتی مردماناں همے چیز گیشینتگ که نوں جنگ۽ تیاری۽ وهده انت ۽ جنگی تیاری۽ ابید راج آجوئی۽ گپت نه کنت۔ پرے دیمروئی۽ مارا کرپان بوگ۽ تیار بوگی انت۔ کرپان۽ سنج ۽ سماء۽ پیداک کنگ۽ پد جاپان۽ هلاپ۽ چین۽ آشوب سوهمند بوت کنت۔ اگاں پارٹی سلابندیں جنگ۽ بے سوب بوت گڑا بوت کنت که په ایدگ۽ دنیا۽ دلپروشی۽ کلوبے به بیت؛ بلے پارٹی۽ دهکانانی سلابندیں هواری چه پدمنتگیں ریتان کشان۽ یک مهکمیں راجی جوڑشے۽ گون هواری کت۔ ماؤ۽ گشگ۽ رده ”ابیده سلابندیں جنگ۽ پرولتاریه ۽ پارٹی هر دو بے سوب اتنت۔ به گپت۽ مارکس نپر وتی سنج ۽ سماء۽ چه وجود۽ گچین نه کنت بلکیں آئی۽ راجمان سنج۽ راه ۽ دران گیش ۽ گیوار کنت۔ روس۽ آشوب 1905 ۽ سرگوست۽ ابید 1917 ۽ سرجم نه بیت پمیشکه اے گپ۽ گیشینت کنیں که همے گوست۽ جنز مئے آجوئی۽ سپر۽ راه اتنت که ما گوستگیں وهده۽ چه باز پند برگ۽ این ۽ اے جاہ۽ سر بوتگ این بلے جنگ۽ زوت گامگیچ زیرگ۽ زلورت هست انت پرچا که دژمن مدامی کس۽ را گلام داشت نه کنت۔“ پارٹی۽ بنجاهی زمه واری راجی لشکر۽ سیاسی جزبگ ۽ آئی۽ سیاسی کارانی ته۽ مٹی آرگ۽ ات پمیشکه کمیونسٹ پارٹی۽ یکین اوگام ات که ”په سرجمیں راج۽ جنگی گهگیری اژدري انت۔“ 1924 ۽ بگر دان 1931 ۽ دهک۽ جاپان۽ هلاپیں کار۽ چه همے پدر کت که چین۽ لس مهلوک وتی

جاءَ اوشتاگ انت کہ 1937ء پارٹی ۽ باسک 20 هزارهٔ چہ گیش ودینت ۽ 28 لکء دان سر بنت۔ پارٹی انچوش تاکتور بیت کہ کہ 20 لک جنگولہ سروکیء بودشتہ دار ایت۔ پارٹیء وتی کوتاہی یک یکہ نشون کنگء پد ماں پارٹیء اندری دیمروئی آؤرت۔ البتہ جاپانی زور آورہ ساڑی بوگء پد ہم گوستانکی ردی بوتگ انت بلے زوتاں پارٹیء کنڈ کنڈہ ہمے اوگام رسینت کہ جاپانہ ہلاپء سلابند بوگی انت۔ ”گلیں مہلوک جاپانہ ہلاپء یکجاہ بہ بنت ۽ کمیونسٹ دژمنہ لیکہ ہلاپء جنگہ بہ کن انت۔ گہگیری جنگہ یکمشتی ۽ دیمروئی ہما سلاہ انت کہ اشیء تہ یکے ہم جتا بوت نہ کنت۔ اگان یکمشتی ۽ دیمروئیء جاہء تہنا گہگیریء سرہ زور دیگ بہ بیت گڑا ہمے گہگیری بے سوب بیت ۽ نٹیکہ چریشیء جوانیں گامگیجے زورگ بیت۔“

ماؤ پارٹیء لیکہء سیاسی سینٹر نک ۽ لس مہلوکء یکمشتیء بابتہ وتی ہیالاں دیمہ کار ایت۔ آئیء مکسد جاپانہ ہلاپء راچی جنزہ کوچگہ چہ شہرہ برگ۔ ماؤ لیڈر شپء سرگوستہ چہ شوکیں آسرہء در کنگہ کارہ ات۔ جاپانہ ہلاپء چینہ کمیونسٹ ۽ کومتانگہ یکمشتی ۽ ٹرائسکی ازمہ ہلاپء جنگ کنگہ شوکیں گامگیجے ات بلے نیگیں وھدےء کومتانگہ گوں یکشمت بوگہ سرہ بے کساس نگد کنگ بوت۔ پارٹیء مہکمیں بنیادہ فعال کنگہ ایید ہزاراں ورنہااں تربیت دیگہ بنجاہی پیسلہء ردہء دو سیکشنہ پروگرام اڈ دات۔ سیمی سیکشنہ جنگولانی ہیلکاری پروگرام ہوار ات ۽ اے سیکشنہ ورنہااں توپہ ہیل دیگ ۽ ایڈگہ جنگی بودناکیانی درآرگ ات۔ چارمی سیکشنہ دو سد نودبرراں اسپ سواری ہیل دیگ ات۔ اولی سئیں سیکشنہ شش ماہی ہیلکاری دیگ بوت ۽ چارمی سیکشنہ یک سالہء کورس ہوار ات۔ اے تربیتی مراکشانی وسیلہاں ماں پارٹیء ٹاپار جنوکیں ہیال یک ہدےء دان کشگ بوت انت۔

دومی جہانی جنگِ دیمروئیءِ وھدءِ ماؤ ھمے گپءِ سرءِ زور دنت کہ چینءِ آرات ءُ وتواکین رھشون ھست کہ آ وتی پیسلہ ءُ پروگرامانی زورگءِ واکءِ دار انت پمیشکہ آ دگہ کسی دزچیریءِ کار نہ کن انت۔ وھدے کہ 1944ء امریکہءِ ناگاساکی ءُ ہیروشیماءِ سرءِ ایٹم بمب چگل دات گڑا جاپان زور تر ات۔ 1945 ءُ شھیدانی یاتءِ ماؤ تران کنانءِ گشیت کہ ” آ سرپد بنت کہ مئے گیش مردمانی شھیدیءِ چہ جنز زور بیت بلے راستی اش انت کہ گیشیں کربانی دژمنءِ گیش مرگءِ نزیکہءِ کار ایت۔ باسکانی معیار، ڈسپلن ءُ پارٹی مدام آشوبی جوڑشتءِ چہ زانگ بیت ءُ آئیءِ ڈسپلنء۔ اگان پارٹیءِ گلیں کار لس مہلوکءِ موبلائیزیشن، لبزانگ ءُ ایدگہ کارانی اندرءِ یک شئے یے زور کت کنت گڑا آ ڈسپلن انت، اگان ڈسپلن زور بہ بیت گڑا سیاسی عمل دیمروئی گت نہ کنت۔ ما وتی نبشتانکان کچہ چینی زہنیت ءُ گلامی زہنیتءِ ھلاپءِ جُھدءِ گیش دلگوش دئیں پرچاکہ باز وھدءِ سیاسی سنگت وتءِ زمہ وارءِ جوابدہ کت کن انت بلے آ وتءِ آشوبءِ پابند سرپد نہ بنت۔ ھمے عملانی بنیادءِ پارٹیءِ وتی باسکانی زہنی ھیلکاریءِ ھمے سکین دانگ کہ آشوبءِ وتی دل ءُ جان، پگری ءُ سمائی بنیادءِ جاہ دیگی انت۔ پرچا کہ پارٹیءِ ڈسپلن ھمے بنیادءِ مہکم بیت، وھدے کہ پارٹی ٹاپار جنگ، تنگ پگری، ءُ کاسگ لیسیءِ چہ وتءِ دور بہ کنت ءُ تہنا پہ مکسدءِ وتی بنجاهی لوٹ ءُ گزر سرپد بہ بیت گڑا ھچ تاکت مارا پرورش دات نہ کنت۔ ھمے ترندیں ڈسپلنءِ سوبءِ آشوبءِ راہ گیشینتگ انت ءُ دنیاءِ ھمے پیش داشت کہ لانگ مارچ وڑیں جاوران، ترندیں ڈسپلنءِ برورد انت کہ پارٹی ھما جاہءِ سر انت کہ ما دنیاءِ را وتی مہکمیں کلویے سر کتگ۔ بلے نزوریں ڈسپلن کہ آئیءِ تہءِ موہ پرستی، زمینی راستیانی نہ پھمگ، وتءِ تہنا کتابی دنیاءِ گون زندگ دارگ ھچ آشوبی روشنت نہ انت۔“

اسٹالنءِ ردءِ اگان لیکہءِ سیادی آشوبی عملءِ گون بندوک نہ بیت گڑا بزانتکہ آ بے مکسد انت۔ علمءِ مسترین کار اش انت کہ مارشتءِ وسیلہءِ

پگر، جیڑگ ء عمل کنگ بہ پرمائیت۔ پارٹیء معیار آئی ء ترندیں ڈسپلنء گون بندوک انت ہمیشکہ مارکس گُشیت کہ راستیں جاوړء وانگ ء پھمگ ہما وھدء بیت وھدے کہ جُہد ء آشوبی وانگء سیادی مہکم بیت۔ جنگی جاوران پارٹیء نیمگء چہ ترندیں ڈسپلن ودی کنگ اژدري انت کہ مہلوکء پہازگء مہکمیں سلابے۔ گس جنگیء زمانگء پروش ورگء مستریں سوب پارٹیء تہء نزوریں ڈسپلن بیت۔ ہمیشکہ ماؤء لیڈرشپ مان پارٹیء تربیتی کورسء اندرء گلء ڈسپلنء تاوان دیگء راجی جُرمے لیک انت۔ پارٹیء جنگء زمانگء چہ ہمے دوئیں تک ء پھنات بزاں سیاست ء جنگء یکے دومیء گون اژدري لیک اتگ۔ بلے بازیں وتگڑیں زانتکارانی ہیال ہمیش بوتگ کہ آشوبی جنگ ء سیاست دو جتائیں چیز انت۔ یا دگہ انچیں لیکہ دیمء کار انت کہ سیاست جنگء ہلاپ انت ہمیشکہ ماؤ ہمے ردھیالء بابتء درشان کنت کہ اگان تو جنگی بنیادء شر ئے گڑا تو سیاسی ہوالء ہم شر بئے۔ اگان تو جنگی ہوالء شر نہ بئے گڑا تو سیاسی ہوالء ہم شر بوت نہ کن ئے۔ تہنا جنگ کنگ چینی پارٹیء آشوبی مکسد نہ انت بلکیں سیاسی زمہ واریء سرجم کنگ مستریں آشوبی مکسد انت۔ بہ گپتء ماؤ ”سیاسی دیمروئی ہمینچو گیش بیت گڑا جنگ ہم ہمے ڈولء دیمورئی کنت۔ جنگء تہء ما ہمینچو گیشی کار این گڑا سیاسی دیمروئی ہمے ڈولء گیش بیت۔“ کمیونسٹ پارٹیء پالیسیء چہ یکے اش بوتگ کہ بے تیاریء ہچ جنگ کنگی نہ انت۔ ء چوشیں ہچ جنگے مہ کن انت کہ آئیء را مکسد مہ بیت۔

پارٹیء قیادت ء باسکانی لیکہی سیادی:

ماؤ وتی باسکان ہمے گپء مارشتء دنت کہ ہچ نگدے بیدء پٹ ء پولء کنگء گنجائش دیگ نہ بیت۔ بے پٹ ء پولیں نگدے مانا ہمیش انت کہ یک وھدےء چین آشوبء تہنا ہیالانی مارگ، ہُشکیں ٹاپار، بے عملیء چینی کمیونسٹ پارٹیء تہء ردآشوبی روشتے پیداک کتگ۔ ماؤء

سیاسی دیوانان وتی باسکان گون تران کنانہ گُشتگ، پارٹیء 17 سالہ جُہدہ چہ 45 لک مردمہ باسک سازی کُنگ ء وتی بستارہ مٹارینگہ ہواریء جوانیں کردے ہم پیلو کُنگ۔ آشوبہ گیش ودینگ ء سوہمند کنگہ پارٹیء دلگوشی اے نیمگہ بوتگ کہ یک درسد آشوبی عمل سوہمند بوت نہ کنت اگان آشوب سرجم کنگی انت گُڑا لس مہلوکہ جنگہ ہوار کنگی انت۔ ابدہ لس مہلوکی تاکتہ دنیاہ کُجام ہم آشوبی تاکت سر چست کُت نہ کنت۔ ہمہ سوبہ چین کمیونسٹ پارٹیء وتی باسکانہ لس مہلوکہ تربیت دیگہ راہ داتگ انت دانکہ مہلوکہ پوہ بہ کن انت کہ راجی جنزہ ڈبہ آیانی کوپگان انت۔ پارٹیء پروگرام ہمہ گپہ شونہ دنت کہ آشوبہ گرانہائیں شے لس مہلوک انت۔ لس مہلوکہ تشددہ مہکمیں دروشمہ دیمہ آرگہ فراز فینہ ردہ آیان باسما کنگہ پد آیانی اندرہ اے مارشت ودی کنگ انت کہ آشوبہ ڈبہ شمئہ کوپگان انت ء شما اے بودشتہ دار ات کہ وتی ملکہ جنزیت کت کن ات۔ بہ گپتہ اسٹالن ”آشوبی جنزہ سوہمندیء پیسلہ سیاسی جہدکارانی پیسلہ زورگہ بودشتہ چہ زانگ بیت۔ پہ پارٹیء باسکان وانگ تہنا Study Sake of Study مہ بیت بلکین وانگ گون کردہ بندوک بہ بیت، نوکیں پیسلہ زورگ، نوکیں آشوبی ہیالہ گون بندوک بہ بیت۔ آ وتی زمینی راستیان چہ پد زورگہ شونداریء بہ کنت۔ دومی نیمگہ لیوشاؤ چیء ردہ پارٹیء تہی جہدہ مکسد اش انت کہ پارٹی ردی کنوکیں سنگتار چار ء بیچار بہ کنت پرچا کہ پارٹیء تہی جہدہ یک چار ء تپاسی بستارہ دار ایت۔ ہمہ چار ء تپاسی ء ہمسنٹی یک باسکے نگدی سمہ ودی کنت ء پارٹیء تہہ نگدی شعور ء پارٹیء سرہ نگدی چمشانک آشوبہ چیدگ زانگ بیت۔ وانگ ء جہدہ ما یکے دومیء چہ جتا کت نہ کنیں پرچا کہ جہدہ یک دروشمہ وانگ ء عملہ گون بندوک انت۔ اشان جتا کنگ یک ردیں عملہ۔ چینی کمیونسٹ پارٹی چہ وتی عملہ زانت کہ آئیء گورہ جتائیں دروشمہ رد آشوبی ء نیم آشوبی ہیال دیمہ اتکگ ء اشانان ہلاس کنگہ باسکانان وانگ،

وانگی جہد، جہد ۽ عملی بنیاد ۽ دیم ۽ آرگی انت ۽ آشوبی جزیگ و دینگی انت کہ ہمود ۽ چہ دلپروشی ۽ راہ بند بہ بنت۔ تہنا پہ وتی نام ۽ کار کنگ، پارٹی ۽ جاہ ۽ وتی بنیاد ۽ جیڑہ ۽ گیشینگ، نپری ہیال ۽ ہیروازم ۽ گروپ بندی ۽ وڑیں رد آشوبی عملانی گر ۽ دار کنگ ۽ ریفارمیشن موومنٹ ۽ بندات کن انت۔ چریشی ۽ ابید پارٹی ۽ تہ ۽ دروگیں مارکسٹ ۽ ایدگہ ردیں روشستانی رکنگ ۽ باسکانی تہ ۽ مدامی مہکمیں لٹریچر دیم ۽ آرگ ۽ آیاں سوہندی رستگ۔ پریشی ۽ پارٹی ۽ گورہ جتائیں پروگرام بوتگ کہ آیانی نودربر ۽ باسک ہاسیں لٹریچر بہ وان انت ۽ لہتیں جستانی پسواں نبشتہ بہ کن انت۔ ماؤ ریفارمیشن موومنٹ ۽ وت بہر بوتگ۔ 1935ء نودربران پارٹی ۽ سروکی ۽ اولی رندہ ۽ وتن دوستی جنز ۽ بندات کتگ کہ اودہ نودربر ۽ ہاس زالبولان مزنیں کچہ ۽ سیاسی کاران گون بہر زرتگ ۽ جنز داں مزنیں شہراں سر کتگ۔ زوراورہ ۽ چہ ترسگ، ڈژمن ۽ راستیں تاکت ۽ چہ گیش کساس کنگ، جنگ ۽ دراج کشی ۽ چہ ترسگ اے گل رد ہیال ۽ گلامیں پگرہ ۽ چیدگ انت۔ ماں چین ۽ دراجکشیں جنگ ۽ نام ۽ سیاسی جہدکارانی تہ ۽ وتگرہیں ۽ نزوریں باوست ۽ جتائیں بیانیہ سازگ بوتگ کہ اشی ۽ تہ ۽ روزیگی نکس، جنگی گواچن ۽ لس مہلوک ۽ سرہ بیسہ نہ کنگ کہ آ جنگ ۽ یلہ دنت؛ ہمہ ڈولیں پندل سازگ بوتگ۔ بلے پارٹی وتی راہ ۽ تچک ات کہ مٹے درستان چہ مسترین ردی گس جنگ ۽ وتی تاکت ہرچ کت۔ بلے دومی نیمگہ ۽ پارٹی وتی پروگرام ۽ وتی باسک پوہ کت انت کہ تاکت ۽ وسیلہ ۽ مزنیں تاکت ۽ دیم ۽ وتی سرزمین ۽ پچ گپت کنیں۔ ما آشوبی راہ ۽ ہما مردمانی ہلاپ این کہ مٹ بوکیں جاوراں دیمروئی کنگ ۽ نہ انت؛ ہمیشکہ پارٹی مدامی وتی باسکانہ ۽ ہمہ گپ ۽ سرہ زور دنت کہ مٹ بوتگیں جاوراں اگان پارٹی ۽ سروک ۽ بگر داں باسک ۽ ہیال مٹ نہ بوگہ انت گڑا آیان وتی بابت ۽ جیڑگی انت کہ آشوب مٹی ۽ بدلی ۽ نام انت۔ چینی کمیونسٹ پارٹی ۽ کسمت ۽ مٹ کنگ ۽ دو مزنیں ویلانی کردے ہست انت۔ یکے جاپان ۽ کوزہ ات ۽ دومی لانگ مارچ ات۔ اگان اے

دوئیں ویل یکجاہ مہ بوتین آنت گڑا بوت کنت کہ آشوبہ دیمروئی نہ کت۔
 ہمیشکہ چینی آشوبہ تہنا لبزانی دروشمہ چارگہ گون ہچ پوہ بوت نہ کنیں
 پرچا کہ چینی آشوبہ ء آئیہ جیڑبانی گیش ء گیوار کنگہ لس مہلوکہ
 کمکہ چہ سلابندیں جنگہ نیمگہ برگ یک ارزانیں شوربندی یے نہ ات۔
 بزانیہ بندتہ مہلوکہ پہ سلابندیں جہدہ تیار کنگ ء دومی نیمگہ
 سیاسی باسک، جنگولان آسودگیہ ڈولیں ہلتان چہ دور دارگہ ہوار آیان
 ناواندگیں لس مہلوکہ را وانگی عملہ تہ ہم ہوار کیتک۔ چینی کمیونسٹ
 پارٹیہ سوہندی ماؤہ آشوبی زمانگہ ترندیں ڈسپلنہ جاوران چہ پیداک
 بوت۔ اگان ترندیں ڈسپلن مہ بوتیں گڑا بوت کنت کہ آشوبہ گشادیں گامان
 گون جنزگہ نہ ات۔ بلے دگہ گپے یات دارگ بہ بیت کہ آشوبہ پد آئیہ
 شوربندیانی سرہ بے کساس نگد کنگ بیت ء ماؤہ ہیالانی سرہ بیسہ دارگ نہ
 بیت۔ آشوبہ پد چینی لس مہلوکہ مٹ بوتگیں جاورانی ردہ ماؤہ سرہ بے
 کساس نگد کنگ ء آئیہ رد کنگہ ہوار نوکیں ہیالہ دروشمہ اوکیں پدریچہ
 ہمے گپ باور کنائینگ بیت۔ اے گپ المی نہ انت کہ ماؤہ ہیالہ ء لیکہ
 آجوتیہ پد ہمے ڈولہ بہ جنز انت۔ نگدہ نامہ یک باوستے ودی بوت بلے
 اے عمل راجانی دیمروئی تہہ مزنیں کردے پیلو کنت کہ ماؤہ وت آشوبی
 زمانگہ ہمے گپ سوچ دانگ کہ ما چمان بند کنگ ء بیسہ کنوکیں جہدکاران
 چہ پاک ء پلگاریں کیڈر جوڑ کنگی انت۔ آشوب وت بے ریائیں شے یے کہ
 آجوتیہ پد گوستگیں پالیسیانی سرہ بے ریائیں نگد بیت پرچا کہ آیانی
 جیڑگہ بنیادہ راجانی دیمروئیہ وتی گوستہ ردیاں چہ آژناگ بوگ ء آیانی
 سرہ سائنسی بنیادہ سوال چست کنگ المی انت۔

چینہ آشوبہ تک ء پھناتاں یکجاہ کنگہ مئے واستہ اژدری انت
 کہ آجوتیہ پد ماؤہ ہیال وتی جاہہ بلے ہرچی کہ بوتگ آ وتی جاہہ راست
 انت۔ پارٹیہ لیڈرشپ ء لس مہلوکہ سیادی، بیسہ مندیں ء باسمائیں تاکت
 آشوبی پارٹی لس مہلوکہ رہشونیہ کت کنت۔ اگان آشوبی پارٹی آئیہ ردیں

نیمگے بہ بارت گڑا آ ہیچ سوہمند بوت نہ کنت۔ ردیں راہِ مانا جتائیں جاہاں کارمرز بیت بلے آشوبِ تہہ ردیں راہِ مانا اش انت کہ پارٹی ردیں شوربندی، سیاسی کوتاہی، مہلوکِ تبہ چہ نا آشنائی، سیاسی باسکانی دلگوش نہ دیگ، دژمنہ شوربندیانی نہ پھمگہ سوب، دومیہ پروکسی بوگہ ہوار ایدگہ رد آشوبی عمل آنت کہ جنزہ زوالیہ نیمگہ بر آنت۔ انترار حسین وتی کتابہ تہہ ماؤہ بابتہ نبشتہ کنت کہ آ بیستمی کرنہ مردمے نہ بوتگ بلکیں بیست کرنہ مردمے آت۔ چینہ سرجمیں گوستانک آئیہ تہہ ساه زورگہ آنت۔ پگری ۽ عملی راہہ گیشینگ، راجی جنزہ تہہ گلامیہ جیڑہہ پڈر کنگ ۽ لس مہلوکہ جزبگہ پگری بنیادہ گیش کنگہ لیڈرشپہ تہہ مزنیں کردے پیلو کنت۔ چینی کمیونسٹ پارٹیہ جتائیں وھدان انچیں رد آشوبی ۽ دروگیں مارکسی زھنیتہ چہ نکس وارنگ ۽ دومی نیمگہ ٹارٹسکیزم ۽ لیننزم نامہ ایراداں چہ لہتیں انچیں گام زرتگ کہ چہ ہموداں لس مہلوکہ کسان کسانیں ہیالاں چہ در کنگ ۽ آیاں آشوبی تاکت جوڑ کنگہ راستیہ گون بندوک کتگ۔ ”سرمایہ داری کے داخلی تضادات“ ۽ تہہ ماؤ نبشتہ کنت کہ لس مہلوکہ ہیال انت جہد، بے سوبی، پدا جہد، پدا بے سوبی، پدا جہد ہمہ ڈولہ باج بر آنت۔ چینہ لس مہلوکہ کانود ہمہ بنیادہ آنت۔ چینی راجمانہ بے سوبیہ مانا جنگہ ہلاسی نہ انت بلکیں بے سوبیہ چہ سوہندی در کیت ۽ ہمہ بیسہہ رھشون ۽ لس مہلوکہ سیادیہ را ہمہ ہدہ دان مہکم کتگ کہ ہمودہ چہ جہدکار ۽ لس مہلوکہ وتہ پارٹی، ڈسپلن ۽ لیکہپی سیادیہ گون یکمشت کنانہ دنیاہ ہمہ کلوه دانگ کہ چینی کمیونسٹ پارٹی وتی راجہ را نوکیں راہہ سرہ جنزینگہ سوہمند بوتگ۔ چینی بتلے ہست کہ ماں دنیاہ بہشت وت تیار نہ بیت بلکیں تیار کنگ بیت۔ ہمہ بہشتہ سمبھینگہ لس مہلوکہ سرین ہدہ کرد پیلو کتگ۔ پارٹیہ پالیسی تچک ات کہ رھشون ہمینکس کار بہ کنت بلے اگاں اے کارانی تہہ لس مہلوکہ ہوار مہ گیچ ایت گڑا اے کار بے پانڈگ آنت۔ بلے

دومی نیمگء لس مہلوکء کارء بہ بیت ء آیانی کاراں منظم کنگء شوکیں سروک مہ بنت گڑا لس مہلوک جوانیں دابء جنز ات نہ کنت۔ ادء یک گپے ہیال دارگی انت کہ مہکمیں رھشون چہ لس مہلوکء در کیت۔

چینی آشوبی ماڈل:

چینی آشوبء بنکی ہیالء سرپد بوگء لیننء گیشینتگیں پارٹی ماڈلء سرپدی بوگ اژدری انت۔ لینن یونینء وسیلہء آشوبء آرگء جاہء سیاسی گلء دروشمء کار کنگء ہکء بیت۔ آئیء زور ہمیش ات کہ پارٹی مزدور جنزء ٹریڈ یونینء روشتء چہ در بہ کنت ء آئیء جاہء سوشلزمء ساہگء بیار ایت۔ مارکس پرولتاریہء وسیلہء آشوبء منوگر بیت، مزدور وتی زورء تاکتء گرانء راجمانی بروبری، انساپء چکاریں چاگردے جوڑ کت کن انت۔ مارکسٹء پگرء چہ آژنا کنوک ء لس مہلوکء تہء ہمے لیکہء دیمء بروک لینن بوتگ۔ آ زور آوریء وھدء آشوبء بہر بوتگ۔ مارکس ء لیننء راہء سرء آشوبی ہیالء گون سان زور وکیں مارکسٹ جنگی رھشون کہ آئیء دنیا چہ ماؤء نامء زانت۔ ماؤء گون اے گپء کار نیست ات کہ روسء سائبریاء سیمسر۔ پہازگ بہ بیت بلے آئیء واہشت ات کہ چوں چینی آشوبء دیمء بہ جنزین ایت۔ ماؤء سمائیء روتگ شہزانتیء کتاب یا سیاسی جنزانی جاہء چینء دودمانء گون بندوک ات۔ ”آشوبی میراس“ ء تہء علی عباس جلال پوری نبشتہ کنت کہ ماؤء پگر ء عمل سرجمء مارکسی بوتگ انت بلے اشیء ہوار سرجمء چینی ہم بوتگ انت۔ ما سرپد بوت کنیں کہ آئیء پگر ء عمل چینء زان ء درشان کنت۔ باز بران ما کمیونسٹ پارٹیء بابت ء وائیں گڑا مئے ہیالء چہ راجدوستیء لیکہ ہلاس بیت، بلے اے ہیال رد انت۔ چوش المی نہ انت کہ آ کمیونسٹ نظامء ہکء انت گڑا راجدوستے بوت نہ کنت۔ چینء مستریں باوست چہ ہمدء بندات بیت کہ سیاسی پائڈگ ء میان استمانی سیاستء ماں لیکھی ہوالہء مارکسٹء ہکء سرء بوگء ما آشنا این

بلے مارا چینہ پائندگ گیشتر دوست آنت۔ ماؤء مستریں کار اش بوتگ کہ آئیء مارکسزم یورپی چماں چه کش اتگ ء ایشیائی دروشمء دیمء آورتگ کہ اودء مہلوک گزن ء تنء آماچ آنت ء کسان کسانیں زمینانی سرء لاچاریں کشت ء کشاری کنگء آنت ء دومی اش ات کہ بلے مارکسی لیکہ گیشتر یورپء گوں بندوک آنت ء پارٹی وتی زمینی راستیء بنیادء مارکسزمء وتی زمینء کارمرز کنانء دنیاء ہال دیگ لوٹ اتگ کہ ما مارکسی لیکہء یورپء جاہء وتی ہسابء کارمرز کنیں بلے اے یک راستی یے کہ چینی راجء کرء لیکہء چه گیش راجی پائندگ گیش دوستر آنت۔ نوں زلورت ہمیش آنت مارکسی لیکہ چینء رنگء چارگ بہ بیت۔

ماؤ نبشتہ کنت کہ انچوش گشگ بیت کہ اکتوبرء روسء آشوبء توسیپء چه مارکسی لیکہ چینء تہء اتکگ بلے راستی چوش نہ آنت کہ مارکسی لیکہ چینء تہء چه اکتوبرء آشوبء پیش ہم کسانیں ہڈےء داں بوتگ۔ چینی کمیونسٹ پارٹی انچیں راجی پارٹی یے ات کہ آ کروڑاں آبادیء رھشونیء کنگء ات کہ آیانی جوڑشت اینکس مہکم نہ ات بلے پارٹیء ڈنء ہم مزین کچےء بودناکیں مردم ہست آت کہ آ لس مہلوکء گوں لیکھی ہوالہء پروگرامء بندوک کنت۔ آیانی پالیسیء ردء کمیونسٹانی زمہ واری آت کہ آیمانداری، باسمائی بنیادء لس مہلوکء سیادیء تہء سیاسی جہدکاراں گوں بہ کنت۔ لس مہلوکء گوں نزدیک بوگ اولی مکسد آنت۔ دومی نیمگء پگری معیارء گیش کنانء گلیں کار چارگ بہ بنت، آیانی اوگام ہمیش آت کہ پہ گلزمینء کربان بوگی آنت۔ پارٹیء نزء توکلء یل دیگ راجی جرمے۔ راجمانء تہء سیاسی ہوالہء پدمنتگیں راجاں کمتر لیکگ مہ بیت، آیان گوں سنگتی ء ہمسنٹی کنگی آنت دانکہ راجی جنزانی تہء کمیونسٹانی درور زورگ بہ بنت۔ ماؤ یوانء سپرء پد نبشتہ کنت کہ لس مہلوکء ناسرپد، کمتر لیکگ مئے وتی کوتاہی آنت ء مئے واستہ زانگ المی آنت کہ ورنہ، زالبول ء لس مہلوکء آیدگہ تبکہء راجی آشوب ء جہدء تہء ہوار کنگ آلسی آشوب

گشگ بیت۔ ہمیشہ کہ اگان پارٹی جاپانہ گلامیہ چہ در آئیگ لوٹیت گڑا سیاسی چہدکار ء لس مہلوک ء اُلسی آشوبہ لوٹ سرجم کنگی انت۔ ماؤ ء زندہ سر ء وسیم شیخ نبشتہ کنت کہ ماؤ ء گشگ ء رد ء اگان چین ء لس مہلوک مئے گور ء مہ بوتیں گڑا مئے بستار ہج نہ بوتگ ات۔ لس مہلوک ہما تاکت انت کہ آشوبہ سازگ ء واک ء دار ایت بزاں یک نیمگے ء پہ آشوبہ تاکت ء زانگ اژدري انت گڑا دومی نیمگے ء آئی ء کارمرز کنگ ء بودشت ہم لوٹ ایت۔ نبشتہ کار سٹوریٹ شریم وتی کتاب ء تہ نبشتہ کنت کہ چین ء ریت ء تہ ء دو انچیں ہاسین پوائنٹ ہست انت کہ یکے گوستانک ء زانت انت ء دومی ہمے اہساس کہ سیاست زندمان ء بنکی بہرے۔ ہمے گیانی دروشم مارا چینی آشوبہ تہ سرجم ء گندگ کیت۔ پارٹی ء دگہ ہیالے ات کہ سلاہ ہرچ شے ء پیسلہ نہ کنت۔ سلاہ جنگ ء بہرے بوت کنت بلے آجنگ ء پیسلہ کت نہ کنت۔ جنگ ء پیسلہ کنگ ء بودشت ء تہنا لس مہلوک کت کنت۔ چیئرمین ماؤ گشیت کہ ایٹم بمب انچیں سلاہے کہ مزین کچے ء چکچینی کت کنت بلے جنگ ء گڈی پیسلہ لس مہلوک کنت نئیکہ دومی سیمی سلاہ۔ دومی ارزشتدارین گپ اش انت کہ لس مہلوک ء باسما کنگ، گون وتی مکسد ء تچک کنگ تہنا پارٹی ء کار نہ انت بلکین لیکھی کار ء زمہ واری انت بزانکہ سیاسی پروگرام ء بوگ المی انت۔ پارٹی ء شوربندی یکے بوتگ کہ لس مردم ء لیکھی بنیاد ء سلاہ بند کنگ ء آیانی تہ ء آشوب آرگ ء بیسہ ودی کنگ ات کہ اے عمل آجوئی جنز ء مزین کردے ء پیلو کنگ ء بودشت دار انت۔ پارٹی ء وتی باسکاناں گون ترندی ء کڈن کنگ ”مئے کار اش نہ انت کہ وتی سیاسی پروگراماں دپ ء بہ گر این ء لس مہلوک ء ہال بہ دئیں بلکین لس مہلوک ء تامرانی، ورکشاپانی، کسمانک، کتاب ء روتاکانی دروشم ء تربیت دیگ ء زلورت انت دانکہ لس مہلوک ء سر ء بیسہ دارگ ء ابید سوہندی زورگ نہ بیت۔“ ماؤ وتی زمانگ ء ہمے کار کنگ کہ ربیدگی کتاب راجمان ء وسیلہ ء اے گپ ء نشان داتگ کہ مردم ء ادارہ ء آشوبی مکسد ء

واستہ چوں کار گرگ بیت۔ ماؤءِ رهشونءِ چینی جنزءِ مکسد اش بوتگ کہ ناواندگیں مردماناں وتی ماتی زبانءِ هزارهٔ گیش لبز وانینگ بہ بیت پرچاکہ آ وهدءِ زورگیریء وانگی رهبند گیش مہکم بوتگ۔ آئیءِ درور رفیق جعفر وتی کتاب ”نفسیات کا ارتقاء“ ءِ تہءِ نبشتہ کنت کہ چینءِ وانگجاہاں کنفیوشسءِ جاہءِ امریکی شہزانت ڈیوئیءِ لیکہ چینی وانگی نظامءِ بہر بوتگ ءِ انچیں چاگردے جوڑ بوتگ کہ امریکہءِ زورآور وتی زانتکارانی وسیلہءِ لس مہلوکءِ بیانیہءِ مٹ کنگ ءِ جان ڈیوئیءِ چہ کنفیوشسءِ مزنیں شہزانتے بہ لیک آنت۔ البتہ چینءِ تہءِ کنفیوشسءِ بستار پیگمیرےءِ ہسابءِ بوتگ۔ امریکہءِ مدام روتاکیءِ درشانءِ وسیلہءِ ڈئی ملکاں ورناہانی شریں وڑےءِ وانینگءِ ہوار آیانی واہشت گوں زر ءِ مالان تور اتگ آنت۔ بلے دومی نیمگءِ زورآورانی دیمپانی گوں ماؤءِ ڈولیں رهشونان بوتگیں لیو شاؤچی جاہےءِ گشیت کہ ماؤ نہ تہنا چینی آشوبءِ مستریں آشوبکار ءِ زانتکار انت بلکیں آ مستریں لیکہ سازےءِ بستارءِ ہم یات دارگ بیت ءِ جاپان ءِ آئیءِ ہمراہیں چیانگ کائی شیکءِ پرورش دیگءِ پارٹیءِ ہمراہیءِ مزنیں کردے پیلو کنگ پرچا کہ ماؤ زے تنگءِ پیشءِ گشتگ کہ امریکہءِ بوگءِ چہ چینءِ مہلوک نہ ترس ایت پرچا کہ آ زان آنت کہ اے آشوبی جہدءِ داشت کت نہ کنت۔ روشن شینگ گشیت کہ ماؤ زے تنگ بنکی ہوالہءِ چائنا جند انت۔ آشوبی میراسءِ تہءِ علی عباس جلالپوری گشیت کہ ماؤ چینءِ گوستانکی دھکانیانی کربانیءِ چہ باز سان زرتگ۔ وھدیکہ ماؤءِ ہال دیگ بیت کہ تئی زھگ ماں جنگءِ جنگ بوتگ گڑا ماؤ زوت گشیت کہ کربانیءِ ابید ماں دژمنءِ پرورش دات نہ کنیں۔ کربانی منی زھگءِ بہ بیت یا دگہ کسی زھگے یے بلے اشانی مانا یک انت۔

چینی آشوبءِ پروپیگنڈاءِ ترزکار:

ڈپلومیسی، پروپیگنڈا ۽ پارٹی ڈیپارٹمنٹ جنزانی سوہمندی ۽ واستہ جتائیں جتائیں پڑانی جوڑشت ۽ آیانی واستہ پروگرام ٹہپنگ اژدري شے زانگ بنت۔ اخلاقی جنگی کمک چون زورگ بیت، ۽ چون دژمن ۽ جنگ ۽ تم ۽ پرورش دات کن ۽۔ اے ڈولیں هزاراں گپ ۽ تران ڈپلومیسی ۽ شوربندياں گون بندوک انت۔ پمیشکھ نوں ما همے دوئیں سرهال ۽ سر ۽ باوست کنیں۔ آشوبی جنگانی تم ۽ لبزانک ۽ گیش بوگ ۽ چه لس مهلوک ۽ تم ۽ مزنیں کچے ۽ پروپیگنڈا کنگ به بیت که لس مردم دژمن ۽ جاه ۽ پارٹی پروپیگنڈه ۽ چه سان به زور ایت ۽ جنگ ۽ بهر به بنت۔ پارٹی پروپیگنڈه ۽ پڑ ۽ همے گپ ۽ منوگر بوتگ انت که کلم، تپنگ ۽ هواری ۽ ربیدگی لشکر ۽ بوگ المی انت، پرچاکه پارٹی ۽ واسته تہنا لشکر نه لوٹیت بلکیں آئی ۽ گور ۽ ربیدگی لشکر هم به بیت، آیانی زمه واری انت که مهلوک ۽ یکمشت به کن انت۔ دومی نیمگ ۽ آشوبی لبزانک ۽ ازمکارانی زمه واری انت که آ کوزه، زورآور ۽ نپ ۽ سیتان، آئی ۽ وتگرئیں دیمروئی ۽ پدر به کن انت۔ ربیدگی لشکر ۽ مکسد اش انت که چینی راجمان که مزهب، گروپ ۽ هندانی میان ۽ بهر انت گڑا اشان یکشمت کنان ۽ آیانی شنگ ۽ شانگی ۽ هلاس به کن انت ۽ راجی بستار ۽ مهکم به دار انت، اے شوربندي ۽ راه ۽ پارٹی سوہمند بوتگ۔ بزآنکه ربیدگی فورس ۽ چین ۽ 45 کروڑ مهلوک یکجاہ گت ۽ جنگ ۽ هواری گیتک۔ جاپان ۽ کوزه ۽ پد پارٹی ۽ اولی پگر جنگ ۽ گون بندوک ات، آئی ۽ پد کشت ۽ کشاری، پدا ربیدگی کار۔ پرچا که ربیدگ ۽ ابید لشکر هورکیں مجگ ۽ بستار ۽ دار ایت گڑا هورکیں مجگ ۽ گون دژمن ۽ هلاپ ۽ جنگ بوت نه کنت۔ ربیدگی لشکر ۽ مول ۽ مراد جنگ، کشت ۽ کشاری، دهکان ۽ تربیت ۽ ورنهاہ جنگ ۽ نیمگ ۽ دلگوش کنگ ات۔ آیان نساب ۽ مٹ کنان ۽ نوکیں دای ۽ نساب اش ٹہپنت۔ اے نساب جاپان ۽ هلاپ ۽ گہگیری ۽ راجی آجوئی لوٹانی بنیاد ۽ جوڑ کنگ بوت۔ چیاکه چین ۽ نز ۽ راجی پہازگ ۽ جاه ۽ وانگجاہاں راجی گلامی ۽ بابت ۽ وانگ به بیت۔ اشی ۽ ابید روتاک ۽ وسیلہ ۽ چه لس مهلوک ۽ وانینگ شوکیں ترزے ۽ گون برجاہ

داشتگ ء اے پارٹیء پروگرام بوتگ کہ اگان اے دابیں روتاک مہکم دارگ بہ بنت گڑا اے دلگوشیء چہ ردیں پروپیگنڈاء لس مہلوکء تہء در کت کنیں ء دژمنء درائیں ڈسکورسانی ہلاس کنگء پارٹیء وار ء گیگ بوت کنت۔ چینء تہء یک لبزانکی ” نوک ہیاتی“ ڈولیں جنزے دیمء اتک کہ آئیء تہء نبشتانک لس مہلوکی زبانء نبشتہ کنگ بہ بنت ء ہمے زبانء نوکترین ہیال ء علماں مہلوکء را سر کنگء لوٹے بیت۔ اے وهداں چینی روتاکء تہء کلاسیکی زبان کارمرز بوتگ بلے نوں اشیء جاہ ء لس مہلوکی زبان کارمرز بوت ء پارٹیء ہمے دابء لبزانک شنگ کُت کہ اُلسی بیانہء وتی نیمگء دلگوش دات بہ کنت۔

کمیونسٹ پارٹیء سرپد بوگء مارا ہورتچاریء گوں پارٹیء پالیسی زانگی آنت، جاپانء کوزہء ہلاپء سلابندیں جنگء اکیڈمک وانگجاء بنیادء گیشینگ چوشکہ اولی بستار جنگء گوں انت ء اشیء پد کشت ء کشاری کہ چینء آبادی گیش بہر دھکان آنت۔ پارٹیء پالیسیء تہء اش ات کہ گیشا گیش لبزانک شنگ کنگ بہ بیت ء لبزانکء بیانہء چہ جنگء واستہ مہلوکء کمکء بہ زور آنت۔ ہمے بیانہء مہکم دارگء پارٹیء وانگجاء درچ ماؤء جندء سروکیء پچ کت آنت۔ وانگی ادارہانی پچ کنگء ارزشت اش ات کہ پارٹیء بودناکیں باسکانی کچ گیش کنگ بہ بنت دانکہ دیمترء جنگء واستہ دھکاناں تیار کُت بہ کن آنت۔ پارٹیء تہء مارکسی لیکہء وانگء واستہ یک راجمانے جوڑ کنگ بوت کہ آئیء پد شنگائی ء بیجنگء ستمبرء ماہء کمیونسٹ پارٹیء بنجاہی کارگسء بنہشت ایر کنگ بوت۔ اے عملانی مول ء مراد کہ پارٹیء علمی ء تربیتی کاراں یک ہرارکی یے بنیادےء چارگ ء ٹپاسگ بہ بیت۔ پارٹیء یک نیمگےء لس مہلوکء بے واندگیء ہسابء ات ء دومی نیمگء راجدوست کومتانگ امریکہء کمکء چہ وتگرڈیں وسواسی جاور ودی کنگء ات۔ بلے کمیونسٹ پارٹی اے نزوریء چہ آژناگ ات۔ پرچا آیاں زانت کہ مئے بنکی نزوریء سوبء اپیون جنگء وهدء یک راجےء

بستارہ وتی جنگ رکینت نہ کت۔ بلے نون جاور مٹ بوگہ انت پمیشکہ مارا اے راجمان ء پروگرامانی وسیلہ نظریاتی کیڈر ودی کنگی انت کہ زور آورے دستہ کارمرز مہ بنت ء تہنا چائنا مہکمئی بابتہ بہ جیڑ انت۔ ہمے دروشم ء یک کارے کلچرل بک سوسائٹیء نامہ جولائیء گڈسرہ جوڑ بیت ء اشیء مکسد اش ات کہ آ آشوبی تاکبند ء کتاب بیچنگ ء شنگائیء چاپ بہ کن انت ء اشان یونانہ سر بہ کن انت۔ پارٹیء میتگی ہنداں سیاسی پروپیگنڈا ء وسیلہ چہ اوگام، کارٹون ء ترانانی وسیلہ چہ انچوش باسماہ کرتگ انت کہ دھکان ء مزن شہدربرجاہاں چہ پارگ بوتگیں یکین ڈولہ بوتگ انت بلے دومی راستی اش ات کہ چینہ 90 درسد مردم وانگہ چہ زہر انت، آیانی مسترین کچ دھکانانی ات بلے پارٹیء مہکمیں پروپیگنڈا ء دروشم توانگر ات۔ چینی کمیونسٹ پارٹیء پروپیگنڈا ٹیم ء جنگی جاوراں مہلوک ء جزبگ ء دیمہ آرگہ ہوار دھکانانی تبکہ ہم جسدی ء پگری بنیادہ مہکم کنگ ات۔ چوناہا مہلوکہ شش ماہ یا سال ء ٹرینگہ پد جنگہ روان دیگ بیت بلے پارٹیء انچوش تربیت کنگ ات کہ کسےء سلابندیں ٹرینگ نہ کنگہ ابید ہم تہنا جزبگہ بنیادہ جنگہ ہوار کپت انت۔ پارٹیء ہاسیں کار اگست 1931 ء سیلف اسٹڈی مزن شاہدربرجاہ ء جوڑشت ات کہ آئیء مکسد نودربران آجوتی ء ہواریں وانگ ء پگر کنگہ موه دیگ ات۔ سیٹورٹ شریمہ ردہ سیلف اسٹڈی مزن شہدربرجاہ تہ نوکیں ہیال ء مارکسزمہ سرہ زور دیگ بوتگ ء اشیء ہواریء چینہ گوستانکی علمہ را ہم ارزشت بوتگ ات۔ چوناہا گیشتر بالشویک رہشون ہمے جیڑ انت کہ ایشیائی راج آشوب آورت نہ کن انت۔ ہمے پیم اسٹالن وتہ مارکسزمہ پہازوکے سر پد بیت ء ہمے زاهر کنت کہ آ چین وڈیں مزنیں ء مانگیش اتگیں ملکہ جیڑہ سر پد بیت بلے اے زمانگہ سوویتہ چینہ بابتہ شوربندی بے سوب انت گڑا اشیء تہ ہمے کردانی اناپرستی ء دزمانجنی گیش ہوار بوتگ۔ بلے جست ادہ پاد کیت کہ اگان سوویت چینی آشوبہ کمکہ کنت گڑا اشیء مانا اش

انت کہ آچائنا سوشلزم سہ لاجار کنت۔ اسٹالن زور اے گپ سہ بیت کہ کمیونسٹ ء راجدوست هواری ء یک مہازے جوڑ بہ کن انت بلے کمیونسٹ پارٹی امریکہ ء کمک ء جنزوکین چیانگ کائی شیک ء اسٹالن ء دزمانجنی ء پد ہم وتی پیسلہ وت کتگ۔ چین کمیونسٹان بازیں انچیں سرگوست ء جیڑبانی دیمپانی کنگی بوتگ، ہمیشکہ ماؤء گشیت کہ چینی آشوب ء دیم ء یک جیڑے نہ بیت بلکین جتائیں دروشم ء جیڑے بوتگ انت، آیانی تہ زورآور ء کوزہ، روزیگی تباہی، گس جنگی، روس ء وتی بلاک ء مہکم کنگ ء آشوب ء وتی پائیدگانی ہاتر ء کارمرز کنگ هوار اتنت۔ پارٹی ء سیاسی دیرچاری ء بودشت ات کہ آ لس مہلوک ء سرپد کنگ ء سوہمد بوت کہ دژمن یک پڑے ء دیم ء انت بلے ایڈگہ کلیں پڑاں ما دیم ء این ء ما تہنا یک پڑے ء زور این کہ آ میان استمانی پروپگنڈا ء ڈپلومیسی ء سوہمدی زانگ بیت کہ دژمن سرجمیں چین ء داں دیراں نشت نہ کنت۔ لہزانگ آشوب ء دیم ء جنزگ ء پہ ارواہ ء کرد ء پیلو کنت۔ ہمیشکہ لہزانتکارانی پرز انت کہ مہلوک ء دیم ء دژمن ء مناپکی ء زوراکیاں پدر بہ کن انت ء پارٹی ء باسکاں المی انت کہ مارکسزم ء لینن ازم بہ وان انت ء آشوبی لہزانک ء راستیں زندگی ء گوں هوار بہ گیچ انت ء مجگی نادراہیں مردمانی واستہ لہزانک شنگ ء تالان بہ کن انت، بے وانندگیں مہلوک ء واستہ تربیتی کورس ارزانیں زبان ء نبشتہ بہ کن انت۔ لہزانک سیاست ء چیردست انت ہمیشکہ اشی ء مانا راجی باسمائی ء سیاست ء وسیلہ ء راجی جنز ء تہ جنگول ء لس مہلوک ء نیام ء یکمشتی ودی کنگ انت دانکہ آ دژمن ء شنگ ء شانگیں رھبند ء تہ در کنان ء وتی سیاسی مکسد ء بہ گر انت۔ دنیا ء آشوبی راج وت وتی پاد ء سر ء اوشت انت بلے اشی ء مانا اش نہ انت کہ ڈنی ملکانی کمک زورگ مہ بیت، کمک ء ہمایت ء زورگ المی انت۔ ماؤء نز ء چین ء رکنگ ء ہمسننتی سیاسی عمل ء جاہ ء راجمانی گوستانک ء عملے۔ مارا لیکہ ء رھبندی بنیاد ء یکمشت بوگ، بلے یکمشتی ء اے سائنسی ماڈل اینکس ارزان نہ انت۔ کمیونسٹ پارٹی ء

یکمشت ءُ تپاکیءَ ارزانیں لبزءِ بدلءَ آئیءِ عملی بنیادءَ شوربندی جوڑ کنگءِ جہد کت کہ لس مہلوک جنگءِ تہءِ یکمشت بہ بنت ءُ ازیمیں کردے پیلو بہ کن آنت۔ پارٹیءِ زمہ واریانی بابتءِ ماؤءِ گشگ ات کہ جاپانءِ ہلاپءِ مہاز پچ کنگ بہ بیت پرچا کہ چین وتی رکنگءِ نیامءِ سنگینیں جاورالءِ گوزگءِ انت۔ نوں مئے سرءِ المی انت کہ راجءِ مہکم بہ کن این ءُ ما سیاسی مکسدءِ چہ ڈن در میا این۔ تہنا لبزانی تہءِ محدود بوگی نہ این بلکین آئیءِ را عملی درشان کنگی انت چیا کہ ہمستنی راستیءِ بنیادءِ کنگ بیت، دروگءِ چہ کار کنگ نہ بیت ءُ ہمے پیمءِ ماؤءِ گپانی ردءِ مرچی اگان کجام ہم مردمءِ دلءِ یکمشتیءِ واہشت ودی بوگءِ نہ انت گڑا آئیءِ شپءِ ہاموشیءِ وتی باتنءِ جست کنگی انت کہ آ کجام سوب انت کہ آئیءِ دلءِ تہءِ یکمشتیءِ واہشت ودی نہ بوتگ۔ اے ہمے واستہ اژدری ات کہ لس مہلوکءِ گیشتریں بہر جاپانءِ ہلاپءِ گہگیری کنگ لوٹیت۔

چینی آشوبءِ لانگ مارچ:

چینی آشوبءِ لانگ مارچ (دراج کشیں روانک)ءِ ابید آشوب ناسرجم انت۔ راجانی گوستانکاں ازیمیں پیسلہ ہم راجانی سوہندیءِ چیدگ زانگ بیت ہمے ڈولءِ لانگ مارچءِ چینءِ آشوبءِ را نوکیں راہے نیمگءِ برت۔ بازیں زانتکارانی گشگءِ ردءِ چینءِ آشوبءِ لانگ مارچءِ مزین کردے پیلو گنگ پرچاکہ اے وھدءِ آشوبی جاور سک نگیگ بوتگ انت بلے لیڈرشپءِ مٹیءِ چہ آشوبءِ سوہندیءِ نیمگءِ شت ہما وھدءِ پارٹیءِ تہءِ نوکیں باوست ساڑی ات کہ راستیں تاکت لیڈرشپءِ کرءِ انت ءُ زوریں لیڈرشپ ازیمیں سوہندی گپت نہ کنت۔ لانگ مارچءِ وھدءِ لیڈرشپءِ مٹی آشوبءِ تہءِ ارزشتداریں پیسلہے ات۔ گوستانک ہمے گپءِ نشان انت کہ لیڈرشپءِ مٹ بوگءِ چہ جنگءِ دومی فیز بندات بیت۔ جنزءِ تہءِ مزین اڈاند لیڈرشپءِ پیسلہ انت کہ آشوبءِ راہءِ گچین کنت۔ ہمے اڈانداں ابید ایدگہ جیڑہ

سیکنڈری آنت۔ کمیونسٹاں 8 ہزار کلومیٹر سپر جنانہ لانگ مارچ ہلاس گُت گُڑا ماؤ کمیونسٹ پارٹیءِ مسترین رہشون جوڑ بوت۔ ماؤءِ یک نیمگے اے لانگ مارچءِ را سوہمند گُت بلے ادہ بازیں جہدکار، گزن، تن ءِ بیماریءِ چہ مرت آنت بلے دومی نیمگے ماؤ کمیونسٹ پارٹیءِ مستر بوت پرچا کہ اشیءِ چہ پیش ماؤءِ بستار بنجاہی کمیٹیءِ کمتر بوتگ۔ پارٹیءِ لانگ مارچءِ وسیلہءِ گس جنگی ءِ جاپان کوزہءِ ہلاپءِ سلابندیں جنگءِ راہءِ گیشتینت۔ کمیونسٹ پارٹیءِ وتی شہری مہاز پچ کت ءِ جنگءِ تہءِ ترندی آرگءِ ترتیب جوڑ گُت۔ لانگ مارچءِ زمانگءِ چینءِ کمیونسٹ پارٹیءِ تہی ہوالہءِ جیڑھانی آماچ آت، بندات لانگ مارچ بے سوب بوگءِ ات بلے لیڈرشپءِ مٹ بوگءِ گون ماؤءِ بودشت پہ آشوبءِ نوکیں امیتے رست۔ لانگ مارچءِ تہءِ آشوبی جہدکاراں یانزدہ صوبہءِ سپر گُت آئیءِ تہءِ کوہی دمگ ءِ 24 بندیں دمگ ہوار انتت۔ آشوبی میراسءِ نشتکار علی عباس جلال پوریءِ ردہءِ کمیونسٹ جنگولاں 16 اکتوبر 1934 ءِ وتی سامان بدءِ کت انت ءِ در کپت انت۔ ہمے ڈولءِ گُوسٹانکءِ ازیمیں لانگ مارچ بندات بیت ءِ لانگ مارچ پارٹیءِ باج برگ ءِ دژمنءِ نزوریءِ چہ ہلاس بوت۔ جہدکاراں پارٹیءِ ابید چوشیں لانگ مارچءِ ہیال نہ ہم گُتگ ات بلے وھدے کہ لانگ مارچءِ پیسلہ بیت گُڑا پارٹی ءِ آئیءِ جہدکار چونیں ہم جیڑھاں چہ دلترک نہ بنت بلے دومی نیمگے ہما جہدکار کہ جنگءِ سروکیءِ ہوالہءِ پارٹیءِ بودشتءِ سرءِ بیسہ نہ دار انت گُڑا آ دلپروش بنت بلے لانگ مارچءِ کاروان تیز گامیءِ گون جنزانءِ آسر بیت۔ اے اکتوبر 1934ءِ بندات بوکیں لانگ مارچ 368 روچ جنزایت۔ آئیءِ تہءِ جنگولاں ہوار دھکان ءِ مزدور ہم ہمک یکجاہ انتت۔ لانگ مارچءِ سوہمندی دھکاناں وانینگ، پگری باسمائی دیگ ءِ آیانی مڈیانی پہازگ، مہلوکءِ آجوئی ءِ ثور لشکرءِ تاکتءِ سرپد کنگی ات۔ ادہ ثور لشکرءِ ریڈیو ٹرینگ اسکول ہم ہست آت گُڑا آرمیءِ ہمے اسکولءِ وسیلہءِ چہ کارچءِ سلاہءِ کارمرزیءِ پہ دھکاناں سلابند گُت۔ وسیم شیخ وتی کتاب ”ماؤ“ ءِ تہءِ گشیت کہ راجانی

دپترے میتھہ ٹوہیں کردے بیت، ہمے ڈولے کمیونسٹ پارٹیء میتھ لانگ مارچ انت۔ امریکی اھوالکارے گون تران کنانے ہیانگ ینگ لانگ مارچے میانے وتی جیڑھے درشان کنت کہ یک دو سالے منے وتی گد مٹ کنگے موہ نہ رسیت ء من شپے وتی چپلاں ھوار وپنگاں۔ مئے گیشتر سنگت ء کماندار ہمے ڈولے بوتگ انت۔ مئے شوکتیں کماندار جنگ بوتگ انت ء بازیے بیماریء سببے مرتگ بلے لانگ مارچ یک انچیں رھبندےء گون جنز ایت کہ آئیء سرجمیں دنیاے را باور کنائینت کہ ثور لشکر جندندریگانی لشکرے۔ آ کجام ہم ھلکےء چہ گوزگے بوتگ انت گڑا ھمودےء مہلوکےء جوزگ ایدگہ جاباں چہ گیش توانگر بوتگ۔ وھدیکہ ما جنگےء چہ پارگ بوتگ این گڑا ما مہلوک مچ کنگ ء تھیٹر چار اِتگ پرچا کہ لانگ مارچ پگری ء علمی ھوالہء یک ھلاس نہ بوتگیں کسھے ء اشاں آشوبی جھدےء چیدگ زانگ بوتگ کہ جنگے دھکانے بھرتی، جاپانے ھلاپےء جوزگےء گیش کنگ، کائی شیکےء تاکتےء رد کنانےء اولی رندےء جنگ لس مہلوکےء تہء سر کنگ۔ پارٹیء باسک ء آئیء لشکرے ھوار کل یک لک مردم بوتگ انت۔ اے لانگ مارچےء 50 ھزار جنگول ء 15 ھزار پارٹیء باسک ھوار بوتگ انت کہ آیاں نہ زانتگ کہ ما کجا روگےء این، نہ منزلےء سما بوتگ ء نئیکہ سپرےء بلے مکسد تچک بوتگ۔ لانگ مارچ آشوبےء تہء انچیں داستانے ات کہ اودےء چہ شہری مہازے ھلاسی، دھکانانی تہء لیکھی لبزانکےء شنگ ء تالان کنگ ء پارٹی ء ریڈ آرمیء جنگےء وتی کنگےء ھاترےء مہلوکےء جوزگ گیش بوتگ۔ ہمے ھسابےء لانگ مارچ جنگی، ساچشتی بنیادےء انسانی گُستانکےء درستان چہ مسترین سلاہبندیں پروپیگنڈاےء سپرےء ات کہ آئیء یانزده صوبہء دہ کروڑ آبادیء دیمےء اے راستی تچک گُت کہ آجوتیء راہ ہمیش انت کہ ریڈ آرمی جنزگےء انت لس مہلوکی بنیادےء لانگ مارچ موبلائیشنےء واستہ کارمرز کنگ بوتگ بلے بازیں زانتکارانی ردےء اے سیاسی سلاہبندیں پروپیگنڈاےء سپرےء ات، کہ چینےء کمیونسٹ پارٹیء نیمگےء برجہ دارگ بوتگ کہ اودےء دھکاناں جنگےء ھوالہء

تیار بہ کنت۔ ہمیشہ گوریلا ء شہری نیٹورک ء ہلاسی ء چہ شنگائی شیک ء تاکت مہکم بوتگ ء کمیونسٹ پارٹی ء بستار نرور بوتگ، پارٹی ء نروری ء سوب ء جنز دلپروشی ء نیمگ ء روگ ء ات۔ ہمے دمان ء پارٹی ء ٹوہیں پیسلہ زرت ء کاروان ء بنداتی ء جار جت ء اشی ء ابید کمیونسٹ پارٹی ء ہاسیں سوہندی اش ات کہ جنگ ء سیاست ء جتائیں دروشم ء جاہ ء جہد ء یکیں بہرے ہساب ء چار انگ پرچا کہ جنگ ء سیاست یکیں مکسد ء بس دو ترز انت۔ ہمے سوہندی عمل چہ لانگ مارچ ء ڈولیں کاران چہ زانگ بوتگ ء دنیا ء را ہمے کلہ رستگ کہ چین نون سلابندی جہد ء واستہ وت ء مہکم کنگ ء انت۔ لانگ مارچ ء یک مزنیں درورے کہ آشوبی بے سوبی ء چوں جہد ء وسیلہ ء چہ سوہندی ء گون مٹ کنگ بیت، بازیں مردمانی گشگ ہمیش بوتگ کہ ثور لشکر کوہنیں ہلکے داشت نہ کت ہمیشہ لانگ مارچ ء نیمگ ء شت بلے پارٹی ء مپاد پرستیں مردمانی سر ء نگد کنان ء لبزانک شنگ کت کہ کجام ہم جیڑہ ء گیشوار کنگ ء یک مارکس ء لوٹیت کہ آ درائیں تک ء پھناتاں وتی دیم ء ایر بہ کنت۔ لانگ مارچ ء پیسلہ ء پد چینی کمیونسٹ پارٹی ء ہاس ماؤء سر ء بے کساس نگد بوتگ کہ اے ڈولیں عمل ء چہ آشوب ء تاوان بوت کت کنت بلے پارٹی ء سروکانی بودشتاں وتی سیاسی پوزیشن ء دارگ ء لانگ مارچ ء ڈولیں وسیلہ کارمرز کتگ ہمیشہ اشان آشوبی جنگ ء مانترے ء گشگ رد نہ بیت۔ مانترے مانا ہمیش انت چہ ہمد ء جنگ ء بندات اُلسی ہمایت ء پگری بنیاد ء کنگ بہ بیت۔ یک پوائنٹ ء سر ء نبشتکار ہمے گپ ء سر ء ایراد کنان ء گش انت کہ ہمے لانگ مارچ ء ہزاراں مردم جنگ بنت ء گرائیں پیسلہ ء بنیاد ء بودناکین مردم ہم جنگ ء جنگ بنت بلے دنیا ء یک رہبند ء ترزے اش انت کہ آشوبی سوہندی ء سر ء باوست کن انت کہ کجام عمل انت کہ آئی ء سوب ء آشوب سوہند بنت۔ دنیا ء گوستانک ہمے گپ ء شون ء دنت کہ بے سوبیں جنزانی سر ء باوست بیت گڑا آ کجام پوائنٹ انت کہ آ آشوب ء نکس دینت گڑا اے درستانی چار ء ٹپاس ء پد ما چینی آشوب ء

سوہمندیء زانت کنیں کہ آشوبء تہہ لانگ مارچہ بلاہیں کردے بوتگ۔ لانگ مارچہ اے جاہء سر کنگء پارٹیء جتائیں یونٹانی وتی زمہ واری داتگ۔ ہمے ڈولہ انجینئر یونٹہ زمہ واری اش ات کہ آگرانیں جاورہ راہ شوہاز بہ کن آنت۔ پرنٹ لائن آرمیء زمہ واری اش ات کہ چیانگ کائی شیکہ جنگی سرداران چہ وتی مہلوک رکینگہ ہواریء لانگ مارچہ مہکم بہ کن آنت۔ ہمے وھدان اردین کہ مہلوکہ مجگہ جست ودی بیت کہ لانگ مارچہ چیا اژدري انت گڑا پارٹیء سروکے جواب اش ات کہ لانگ مارچہ سرجمہ ء یک سیاسی رھندے کہ اے سرجمیں دنیاہ دیمہ تچک گت کنت کہ زورآور چینہ سرجمہ گلام داشت نہ کن آنت۔ کتاب ”لانگ مارچہ کی داستان“ ء تہہ چیانگ چانگ فنگ گشیت کہ چیئمین ماؤ یکرندے مارچہ سپرہ میانہ کند ایت ء گشیت کہ دژمن ء آئیء لشکر مئے دیمپانیء گت نہ کن آنت ء جھدکاراناں گشیت کہ شما بہ گش ات شر، گڑا ما کلیں مردمان گشت کہ جوان۔ یک آشوبی جھدکارے ہیاں کہ آ لانگ مارچہ ہوار ات کہ ”چیانگ کائی شیک جنگی ارشہ سرجمہ ٹپی ات، کربانیء جوزگہ چہ سرچکار ات گڑا آئیء گشتگ ات کہ منہ اے گپہ سوک مان نیست ات کہ من مرگہ آن بلے ہمے گپہ سوک مان انت کہ من پارٹیء سروکہ ہمراہیء وتی جندہ جاہہ دیست نہ کنان۔“ مارچہ تہہ میڈیکلہ جھدکاراں سپرہ نیامہ وتی ٹپی بوتگیں مردمانی دوا ء درمان کنگہ ہواریء نفسیاتی نادراہیں مردمانی ہم الاج گت انت۔ مارچہ تہہ دگہ یونٹے ”سیاسی وانینگہ کلاس“ ات کہ آئیء یانزدہ صوبہء ایدگہ راجاں گوں وتی سیادی دارگہ سوہمند بوت انت۔ اے سپرہ میانہ ابیدہ جست ء پدہ ہچ چیزہ سرہ دست جنگہ موکل نہ بوتگ ء پارٹیء ہمے بابتہ وتی گلیں جھدکارانہ کڈن کتگ۔ یکرندے باسکے ماؤہ جست گپت کہ دگہ راج گوں ما ہوار بوت کن آنت؟ گڑا ماؤ پسو دنت کہ کمیونسٹ ہر جاہہ ساڑی انت گڑا سرید بنت کہ آ آشوبہ جھگیر آنت بلے چوش نہ انت۔ مارچہ سوہمندی پروپیگنڈا کامریڈانی وسیلہء رستگ چیا کہ آیاں

دژمنہ تاکتہ ہلاپہ ترندیں ڈسپلنہ گون وتی سیاسی کار دیمہ برت آنت۔
ہمے ڈولہ ٹور لشکر روبرکتہ نیمگہ چہ گوریچانہ شت آنت ء اے سپرہ
گڈیہ داں سوہندیہ گون آسر کنت۔

چینہ سلابندیں جنگ:

گوریلا جنگ، دنیاہ گوستانک، جنگ، جیڑہ ء گوستانکی ویلاں چہ
سرچکار انت۔ اگان انسانہ گوستانک چہ جنگ ء جیڑہاں گستا بہ بیت گڑا
گوستانک سرجم بیت نہ کنت، پرچاکہ اودہ پہ پپر بندگہ ہج شے پشت نہ
کپیت۔ چینہ گوریلا جنگہ شوربندیہ بابتہ کدیمیں شہزانت سن زوہ ”دی
آرٹ آف وار“ نامداریں کتاب انت کہ آئیہ سے ہزار سال پیش جنگہ جتائیں
دروشمائی بابتہ لس مہلوکہ ہال داتگ۔ سن زوہ کتاب دی آرٹ آف وار
ہما نامداریں کتاب انت کہ اشاں پہ جنگہ جاورائی دستیگہ ہواریہ گوریلا
جنگولائی جتائیں تک ء پہناتہ گیشین ایت۔ پہ درور؛ دژمنہ گمانہ تو
رودراتکہ پیداک ئے بلے تو روبرکتہ نیمگہ ارش بہ کن۔ اے تہنا مسالے،
اشیہ ابید سرجمیں کتاب گوریلا جنگولاں پہ سوگاتے۔

چین نہ کسان انت ء نئیکہ سوویت یونینہ ڈولیں تاکتوریں ملکہ،
بلکیں اے مزنیں ء نزوریں ملک آنت، چینہ جغرافیہ پہ آئیہ پائڈگ ء نکس
دوئیں ہست آنت۔ سوویتہ چہ نزیک ء امریکہ، یورپی زورآوریں استانان
چہ دور انت بلے دومی نیمگہ جاپانہ چہ نزیک بوگ پہ چینہ آشوبہ
بیہارے۔ کجام ہم راجے جنگ ہما وھدہ جیڑہانی دیمپانی بیت کہ
وھدے دژمنہ سیمسر۔ آئیہ نزیکہ بہ بنت ء ربیدگہ بنیادہ سرپد بوگہ پہ
دژمنہ ارزانتر بہ بیت۔ بیستمی کرنہ آشوبائی تہہ گوریلا جنگ یک آرٹے
ڈولہ لس مہلوکہ دلگوشہ گون وتہ زوران ات پرچا کہ گوریلا جنگ ء آئیہ
شوربندیہ وسیلہ جنگی جاوراں پہ آشوباں سازگار جوڑ کنگ بوتگ آنت۔
جاپانہ ہلاپہ جنگہ لس مہلوک پوجہ دیمروئیہ سک جیڑہانی دیمپان

بنت۔ یک کسانیں لشکرے کہ آئیے ترتیب کنگ نہ بوتگ ء ملک ء مستریں لشکر کومتانگء گون جنگء آت کہ آئیے کمکء امریکہ کنگء ات۔ بلے گوریلا جنگء سائنسی ڈسپلنء چیردستی سیاسی زانتء وسیلہء ڈژمنء نزوریء سرء وتی دستء مہکم کنگ، جنگء کمال انت۔ بیستمی کرنء چه دنیاء گوریلا جنگء ارزشت گیش بوان انت ء آئیے سائنسی دروشمء چینی سلابندیں جہد مٹ کنت۔ چینی آشوب گوریلا جنگء وسیلہء سرجم بیت پرچا کہ سائنٹیفک بنیادء گوریلا جنگء وتی گوست، سرگوست ء کارانی سرء باوستء پد دیمء آرگء چین راجے منتگ۔ بیستمی کرنء گوریلا جنگء دو مکسد بنت، اولی سیاسی تاکتء پچ گرگ ء دومی ڈنی زوراکئیء ہلاپء سلاہءء ہسابء زورگ بوتگ۔ ہمے دوئیں سیاسی مکسدء گرگء چینء گوریلا جنگول وتی جنگء دیمرولی دینت۔ چینء گوریلا جنگء بنداتء جہدکارانی دیمء جتائیں جیڑہ کاینت۔ اولی کمیونسٹء ہکومت، دومی ڈنی زوراک بزآنکہ جاپان ء سیمی کائی شیکء ہکومتء ہلاسی۔۔۔ ہمے جنگء سوبء چین دنیاء میاں استمانی سیاستء تہء لیبی یے ہسابء زانگ بوگء ات۔ جنگی شوربندیانی ردء کجام ہم مکسدء گرگء ہما وهدء داں ارش مہ کن کہ ترا باج برگء بیسہ مہ بیت ء گوریلا جنگء ہاسیت اش انت کہ سیاسی مکسدء نامء ہوار نفسیاتی جنگ ہم کنگ انت۔ ہمیشکہ چینی سلابند وهدے مزنیں کچےء نہ بنت گڑا ڈژمنء سرء ارش نہ کن انت۔ پدا آ سلابندیں جہدء کمکء چینء ہمک کنڈء ہمے اوگامء پڑین انت کہ، ”جاپانء ہلاپء سلابند بئیں۔“ ڈژمنء تاکتء وسیلہء کوزہ کنگ گڑا تشدد ہما راہ انت کہ اشیء وسیلہء ڈژمنء مجگی، روزیگی، سیاسی ء سفارتی ہوالہء تاوان بہ رسیت۔ پارٹی ڈسپلنء تہء ہمے گپء سرء بیسہ دارگ بوتگ کہ جہدکار یکیں وهدء جنگول انت ء راجء جوڑ کنوک ہم ہست انت۔ ہمے جنگانی نیامء پہ جنگولان اژدری انت کہ آ پارٹی پالیسیء ردء وتی مارکسی وانگء ہم یلہ مہ دینت۔ اے پالیسیء ارزشت مارا ہما وهدء گنگء کیت وهدے

کہ مارکسزم ءچہ آشنا بوگء پد جنگلانی تہء آرام پرستیء ہیال هلاس بوان بنت ء جنگلانی لیکھی تربیت چہ آسانی سیاسی مکسدء ارزان انت۔ آنون زان انت کہ پارٹی نہ تینگء دیمروئی دنت نئیکہ تینگ پارٹیء دیمروئی دنت ء کمانداراں وتی جنگلانء هچ وڈیں کڈن کنگء اجازت نیست۔ پارٹیء مستریں کاراں چہ یکیں اش ات کہ ریڈ آرمیء کار تہنا جنگء گون بندوک نہ کتگ بلکیں آئیء را راجمانی کارانی تہء هم هوار کتگ۔ آدھکانی وانینگء هوار ماں وانگجاہاں گونڈواں چینء گوستانکء وانینگء اتنت۔ پارٹی پروپیگنڈا ڈیپارمنٹء ریڈ آرمیء پلہ مرزیء جتائیں وهدان لٹریچر شنگ کت کہ اودء همے دزبندی کنگ بوت کہ اے شمئے جنگ انت ء شما اشیء تہء هوار بہ بئے ء پارٹیء تہء جنگء گربانی ء نگدء نامء چہ آشوبء مانگیش اینگیں راباں گوازینگء زورت نیست بلکیں آیاں ارزنیں سپرء برگ اژدري انت۔ جنگء تہء ڈسپلنء پیلو کنگ زوراکي یے نہ یے بلکیں مارشتء گون بندوکیں عملے کہ اودء نپر وتی باسمائیء چہ وتء جنگء پابند بہ کنت۔ همے سوبء چینی آشوبء تہء مہکمیں ڈسپلن اتکگ پمیشکہ آیاں وتی مہلوکء را همے کلوه دات کہ اگاں مارا یک راجءء بستارء تاکتے بوگی انت گڑا مارشتء گون بندوکیں ترندی ڈسپلن ء جیڑھاں چہ تچگی نہ انت۔ کمیونسٹ پارٹیء مستریں تاکت آئیء سلاہبندیں جہدکارانی کچ ء کساس نہ بوتگ بلکیں آئیء مستریں تاکت جنگی ڈسپلن بوتگ کہ اشیء سوبء جاپان ،شیک کائی شیک ء امریکء دزمانجیء ڈولیں اژانداں پد هم هم وتء رکینتگ۔

ھاؤ چینء جاورانی گندگء پد همے وهدان مارکسی لیکہء گون ایراد داریت کہ تہنا دھکاناں گون آشوب آرگ بیت۔ همے باوستء دیمء آرگء گون آسرد بیت کہ دھکان جنزء تہء یک جُزے پمیشکہ کمیونسٹ پارٹی دھکانائی ء آسانی میتگان ریڈ آرمیء جوڑشتء مکسد کہ جنگء نوکیں بنیادء میتگ ء کوچگاں بندات کتگ پرچا کہ کائی شیکء زلم ء پلپانچاں چہ

دھکان تاوان ورگء اتنت پمیشکھ آیانء جنگء هوار کنگ بوت۔ وهدهے پپلز آرمی بیجنگء روت گڑا گون آئیء مردمانی کچ وتی راجی جوزگء گون انت گڑا ماؤ چو این لائیء گُشیت که ما وتی گلزمینء چکاسگء روگء این گڑا آپسو دنت که اشیء تهء ما سوهمند بیئیں پرچاکه مارا اُلسی تاکت گون انت۔ پارٹیء وتی کیڈرانی واسته جنگی عملء تهء المی ئیں تربیتی کورس، ترندیں ڈسپلن ء مجگی تربیتء نامء چه یک زرمبشته جنزیتنگ که آئیء رپارمیشن جنز هم گُشگ بیت۔ چینی آشوبء مسترین جیڑه که اودهء مارکسء لیننء لهتیں گپء چه سرجمیں آشوبء رد کنگء چاگردے جوڑ بوتگ گڑا پارٹیء یک باوستے امریکه ء جاپانء وانوکیں نودربر ء وتی گوستانکء چه ناآشنائیں مردمانی هلاپء بندات کنگ۔

گوریلا جنگء تهء تربیتی وانگء چه دوری آشوبی عملء هلاپء زانگ بیت۔ تهیوریٹیکل علمء نه بوگء چه آشوب ناسرجم بیت۔ مارکس ء لیننء گیان تهنا ازبر کنگ، وتی زمینی راستیانی ناآشنائیء هلاپء ماؤسٹاں انچیں چاگردے جوڑ کت که چریشیء چه ردیں روشنت، آدت هلاس بوت انت۔ پال کینڈیء نزء دنباء چین زاهریء نزوریں ملکء بستارهء دیمء آهگء ات بلے اشان نه ماسکوء دیمء وتی چم جهل کت ء ئیکه واشنگٹنء دیمء۔ -ماؤء ردهء چینء اُلسی جنگ ء گوریلا شوربندیء تهء پوجی ء سیاسی نک ء پهنااتان سیادی هست بلے سرگوستانی هاتره اشانء جتا جتا کنگ بیت۔ سیاسی عملء سوهمندیء چه جنگء تهء مهکمى اتکگ ء جنگء ترندی بوگء سیاسی عمل هم گیش بوتگ۔ جاپانء هلاپء گوریلا جنگء میانء ثور لشکره رهبنده اش بوتگ انت که دژمنء نزوریں گروپء سرء اولیء ارش کنگ به بیت۔ چینء تهء گوریلا جنگء بابتء کتابء نبشته کنگ بوتگ که مروچی هم آئیء جنگی ڈاکٹرانن بائبلء بستارهء دار ایت۔ آهمے گپء سرء وتی دلگوشء گور کنت که مارا دژمنء دستء سلاهء چه ترسگی نه انت ء ارشانی واسته دژمنء کرء روگ یا آیانی کیمپء پترگء چه هم ترسگی نه انت پرچا

کہ ما ہم مردم این ء مئے دژمن ہم انسان انت وهدے کہ ما گل انسان این گڑا مارا ترسگہ زلورت نیست۔

گوریلا جنگ بے لس مہلوکہ پلہ مرزیء ناسرجم انت۔ پہ گوریلا جنگہ سوہندیء المی انت کہ آئیء را سیاسی مکسد بہ بیت پرچا کہ لس مہلوکہ سیادی، کمک، آئیء سیاسی مکسدہ گوں یک بوگ اژداری انت ء آسانی تاکت آئیء لس مہلوک انت۔ پارٹی وتی پالیسیء تہء دژمنہ راستیں تاکتہ زانگہ ات بلے آ دژمنہ تاکتہ پدر کنگہ جہدہ نہ ات چیا کہ چوش مہ بیت دژمنہ گیشیں تاکتہ چہ مہلوکہ سرہ ردیں سانے بہ کپیٹ۔ یک نیمگہء دژمنہ تاکتہ نہ منگ ء دومی نیمگہء دژمنہ تاکتہ را گیش پیش دارگ جوانیں عملے نہ یے۔ جنگی جاورہ تہء رد گپ جنوکیں ٹولی مدام ساڑی بوتگ انت کہ آیاں لوٹ اتگ کہ ما مہلوکہ رد بہ دئیں کہ اے وڈیں کاراں چہ آجوئی نہ رسیت۔ اے مردمانی یک گپے سک باز نامدار انت کہ ما دھکان ء نودربر این، ہمیشکہ لبزانکہ سرہ باوست کت کنیں بلے مارا ایپومی جنگہ گوں چی کار۔۔؟ راستی اش انت اے گل رد انت۔ مہلوکہء رد دیگہ انت پرچا کہ یک دھکان ء جنگولہء میانہ ہج تپاوت نیست۔ تہنا جوڑگہ زلورت انت۔ نوں گپ اش انت کہ بزگریء یلہ بہ کن انت ء جنگول جوڑ بہ بنت۔ اے ہما گلیں شوربندی ء ویل اتنت کہ اشاں چینہ جنگی شوربندیانہ سوہندیء نیمگہء برت ء چینی آشوبہء را آسر کت۔

ماں اکتوبرہ ماؤ زے تنگ چینی ہاکمیء بنجاہی مجلس کونسلمہ سروک گچین کنگ بیت گڑا آ وتی گوستانکی ردیاں چہ آژناگ ات چیا کہ چینہ گوستانکہ چہ سکین گپتگ ء وتی کونہیں روشتانی یل دیگہ ء وتی تہء مٹی آؤرتگ۔ اشیء ہوار دنیاہ تاکتہ تہء وتی راہء گیشینانہ میان استمانی سیاستہ وتہء را ارزشتداریں لٹیبی یے بستارہ وتی تاکت منارینتگ دانکہ دنیا وتی پائیدگانی ہاترہ چینہ کمک بہ کن انت۔ دنیا یک انچیں

سرکلے کہ اشیءِ تہہ مردم یا ٹولی وتی بودناکیءِ سوبہءِ وتی پائیدگان سرجم کنگہءِ ہر کسہءِ گون ہوار بوگہءِ تیار انت۔ اگان کجام ہم راجہءِ تہہ دانائیں مردمانی ٹپاسگہءِ موہ بہ رسیت گڑا منی نرہءِ چینی لس مہلوک ڈپلومیسیہءِ چہ درستان گشادتر انت پرچا کہ آیانی زہنہءِ ہمک وھدہءِ وتی راجی پائیدگ ارزشت دار آنت۔ امریکی سیاسی زانتکار گش انت کہ پہ روبرکتی دودہءِ چینہءِ ایردست کنگ سک باز المی بوتگ۔ ماں چینہءِ بنکی کوزہ امریکہءِ زور مُشتگیں سامرجیتہءِ ہیال بوتگ کہ آئیہءِ بروردہءِ وت ماں وتی جنگ، گومتانک، پوجی تاکت ءِ جاپانہءِ کوزہ، امریکہءِ پالیسیانی مزنیں کردے بوتگ۔ بلے بازیں زانتکار گش انت کہ ماؤ امریکہءِ نزیکہءِ کارڈہءِ کارمرز کنانہءِ روسہءِ سرہءِ وتی زورہءِ ایر کنگ لوٹ ایت۔ کوریہءِ جنگہءِ امریکہءِ بے سوبہءِ سوبہءِ چین دنیاہءِ سیاستہءِ ارزشتداریں لٹیبی بیہءِ بستارہءِ زانگ بیت۔ بلے امریکہءِ پیپلز آف چائناہءِ منگہءِ بدلہءِ تائیوانہءِ دیگ لوٹ ایت۔ امریکہءِ گون گڈی ہدہءِ نپرت کنگہءِ ابید ہم آجوئیہءِ پد سفارتی بنیاد کسی دیمہءِ آئیہءِ وتی زاری پدر نہ کتگ۔ یورپ گون نپرتہءِ پد ہم سرمایہ داری بلاکہءِ ہمہرائیہءِ وتی بیپاریہءِ گون آیاں کنت۔ نکسنہءِ ردہءِ مئے نزدیک بوگ سنگنتیہءِ جاہہءِ ذاتی پائیدگ بوتگ انت۔ دگنیہءِ ما مدامی گش این کہ جنزانی تہہ نپ ءِ سیت گیشتر ارزشت دار انت گڑا ہمے گپ چینی آشوبی جنزہءِ تہہ گندگ کیت انت کہ وتی آجوئیہءِ پد 60ءِ دھکہءِ روسہءِ بلاکہءِ چہ در کابنت ءِ وتہءِ امریکہءِ بلاکہءِ سر کن انت۔ 70ءِ دھکہءِ ہنری کسنجر ءِ ماؤ زہ تنگہءِ نیاد وت یک درورے کہ ماؤ چوں وتی راجی پائیدگہءِ درگتہءِ کسنجرہءِ گون ہمنیاد بیت۔ In Holy War ءِ نبشتکار گشیت وھدے روس اوگانستانہءِ روت گڑا امریکہءِ کمار چین بیت ءِ مزنیں کچہءِ نوکتریں سلاہ دنت۔ 1965ءِ چواین لائیہءِ چہ جسٹ گرگ بیت کہ اگان امریکہءِ پیکنگہءِ چینہءِ ھکومت سرپد بیت گڑا کمیونسٹ چائناہءِ ری ایکشن چون بیت؟ اشیءِ پسو چوں اے پیمہءِ ات کہ چینہءِ نرہءِ اے جُستہءِ جند رد انت اشیءِ جاہہءِ آیانی کرہءِ اے

جُست بیت کہ ما شمارا مَنّ این؟ آجوتیءَ پد آیانی پروگرام یکے بیت کہ مہلوکءَ روزیگی ہوالہءَ چوں وتی پاداں بہ اوشتارین این بلے پارٹیءَ وتی گوستانکءَ چہ اے سکین زرتگ کہ ما پیشءَ تہنا وتی ہدءَ داں محدود بوتگ این ءَ متے دژمنءَ وتی سیادی دنیاءَ گوں جوانتر کرتگ انت۔ آیانی دنیاءَ گوں یک بوگءَ سوب ات کہ ما چہ دگنیاءَ دیر بوتگ این۔ لیڈرشپءِ مستریں ہاسیت اش بیت کہ دنیاءِ مٹ بوتگیں جاوراں وتءَ ہوار بہ کنت۔ اشیءِ درور ہمیش بیت کہ چوں وتی راجی پائیدگ گرگ بوت کن انت۔ بازیں زانتکار ءَ راجانی بابتءَ وانگءَ پد گندگ کیت کہ آ ڈپلومیسئیءَ ہوالہءَ ہمینکس گشاد انت بلے اگان مذہب ءَ ربیدگءِ ہوالہءَ سان مہ زور انت گڑا چیزانی تہءَ مقدسیتءَ چہ گیشتر وتی راجی پائیدگ مانا دار انت۔ ہمے سوب انت کہ دنیاءِ تیز گامیں وهدءِ تہءَ چائناءِ ڈپلومیسئیءَ آئیءَ آجوتیءَ سوہندیءَ برتگ۔ اشیءِ درور امریکہءِ وزیرے کشیت کہ چائنا مگرہءِ ناوشیءَ پد ہم ہمے ہلاکءِ تہءَ وتءَ دور دارگ نہ لوٹ ایت۔ ہمے ڈولءَ کوریاءِ جنزءِ تہءَ ہمے وڈیں درورے گندگءَ کیت۔ وتءَ تہنا بوگءَ چہ دیر کنگ کمیونسٹ پارٹیءِ ڈپلومیٹک پالیسی بیت۔ پرچا کہ نوں آ زانت کہ دنیاءِ گوں ہور ءُ تور بوگ سوہندیءِ چیدگ انت۔ نکسنءِ ردءَ گوستانک اے راستیءَ دیمءَ کار ایت کہ اگان چین ءُ امریکہءِ میانءَ سیادی جوڑ کنگءِ اولی گام زورگ مہ بیت گڑا مرچی تاکت بیمناکیں ہدےءَ روسءِ ہکءَ بوتگ ات۔

جہلی جاہاں پارٹیءَ تیزانتیءِ لہتیں کمیٹی جوڑ کنگءَ پد ملکءِ جوانتریں سائنسداناں ڈنی ملکاں وانگءِ موہ داتگ۔ جنگی جاوراں وتی زہنی توازنءِ برابر کنگءَ چینءَ کارانی تہءَ مٹی آؤرتگ ءُ تیزانتی، شہزانتی ءُ راجمانی سائنسءِ بنہشت جوڑ کنگ۔ چینی آشوب ماؤءِ سروکیءَ پیپلز آرمیءِ بنیادءِ اتگ۔ آشوبءِ تہءَ دھکاناں وتی آشوبی جہدءِ بروردءِ چینءِ را زوالیءَ چہ کشانءِ ملکءِ یک ٹوہیں نزوری یے (چینءَ پوجی ءُ سیادی حسابءِ وتءَ تہنا کنگ) ءَ مٹ کنانءَ گوستانکی تجربت ءُ علمی جہدءِ جتائیں جیڑھانی

دیمپان کنانء سلابندیں جہد ہم کت۔ اُلسی سیاست، گس جنگی، سامراجِ ہلاپء جنگ ء میان استمانی کانودی جنگء ہوار ربیدگی آشوبء ارزشتء پوہ بوگء پد ما کساس جت کنیں کہ گیش تاکتء کارمرز کنگء ربیت کوهنیں رھبندء ہلاسیء جنگ انگت برجہا انت۔ آجوئیء پد چینی کمیونسٹ پارٹیء نیمگء چہ ریفارمیشن موومنٹ جنزینگ بیت۔ 1960ء وھدء روس ء چینء جیڑہ دیمء کیت ہمدء چہ چین وتی رابان مٹ کنت ء امریکہء لابیء ہوار بیت ء راجی پائیدگانی واستہ یورپ بلاکء ہمارھاداریء کنت۔ پرچا کہ چین اے گپء سرء بیسہ دار ایت کہ چینی کمیونسٹ پارٹیء زرکار اؤکیں وھد وتء منارینگء سوہمد بنت۔ پارٹیء نزء یک راجےء بستارء مارکسزمء پگرء چہ دزکشی نہ کنگ انت ء مارکسزمء بنیادء وتی راجی پائیدگان چست کنگ مئے اولی مکسد انت۔ چینی کمیونسٹ پارٹیء آجوئیء پد وتی شوربندیء تہء نوکیں ہیلالن گوں لس مہلوکء لبزانک سرجمء مٹ گت۔ ورنہانی تہء تکنیکی بودشتانی منارینگء کوشست بندات بوت۔ آشوبی رھشوناں سرجمء مٹ کنگ ء نگد کنگ بہ بیت ء آشوبء زمانگء بوت کنن انت کہ پروگرامء تہء سوہمدی بوتگ بلے المی نہ انت کہ آجوئیء پد ہم چائنا ہمے ہیلالنی ہسابء دیمء بہ جنز ایت۔ ہمے سوبء چینی کمیونسٹ پارٹیء وتی اندرء ریفارمیشن موومنٹ بندات کت۔ اے موومنٹء سوب اے بوتگ کہ ورنہاں تکنیکی بودشتء وسیلہء سرمایہ کاریء نیمگء بیار انت۔ انچوش کہ ماؤء اوگام کہ ورنہاں ہمے گپء نیمگء آرگ بہ بیت کہ کلچرل رویولوشنء ہمے شے مٹ کنگ بہ بنت ء ہمے شئیانی تہء کوهنیں ہیال، ربیت، ربیدگ ء آدت ہوار انت۔ چینی کمیونسٹ پارٹیء سوہمدی ہمے چیزء سرء انت۔ ما آشوبء زمانگء ترندیں ڈسپلنء چاگردے دیمء آورتگ - اگان ماؤء اے ڈسپلن مہ دائیں گڑا بوت کنت کہ چین سوہمد نہ بوتگ۔ بلے دومی نیمگء اے گپء سرء ٹپاسگی انت کہ آجوئیء پد آئیء شوربندیانی سرء نگدء ہوار آئیء ہیال سائنسء بنیادء زورگی انت۔ آشوبء

پد اے رھبندہ سرہ چینی لس مہلوک مٹ بوتگیں جاور ء پائیدگانی سوبہء
 ماؤء لیکہء باز جاہاں مٹ کنگ ء باز جاہاں رد کنگ بوتگ انت ء نوکیں
 دروشمہ پد ریچ ء سیاسی بودشتہ سوبہء ہمہ گپہ سرہ بیسہ دیگ بیتگ۔
 المی نہ انت کہ ماؤء آشوبی وانگ آجوئیء پد ہم راست بہ بنت۔ منی نزہ
 راجی دیمروئی ہمہ بنیادہ بیت چیا کہ وھدہ آشوبہ زمانگہ ماؤء وت
 ہمہ گپہ سرہ بیسہ داشتگ کہ آشوبہ عقیدہ پرستیء چہ پاگ ء پلگاریں
 آشوبی کیڈر لوٹ ایت گڑا آشوب یک بے ریائیں شے یے، راجی آجوئیء پد
 وتی پالیسیء سرہ بے کساس نگد ء رھبندی بنیادہ وتی گوستانکہ ردیاں
 سائنسی دروشمہ ٹپاسگہ پد آئیء سرہ سوال چست بیت۔ بلہ ادہ چینی
 آشوبہ دو جاہہ ایرکنگ پہ بلوچاں باز اژدری انت کہ آجوئیء پد ماؤء علم
 وتی جاہہ بلہ ادہ ہرچی بیت اے جٹائیں کسہے۔

1972ء جاپانہ مزن سروک چو این لائیء بکشگہ بابتہ جُستہء
 پسوہ گُشیت کہ بکشگہ ہچ زلورت نیست۔ اگان جاپانی ارش مہ بوتیں گڑا
 ما انگت کونہیں زندہ گوازینگہ ات این۔ اسلہء جاپانی ارشہ پارٹیء
 پوزیشن مہکم داشتگ۔ ماؤء بیرانیء پد چینہ مزن سروکہء ماؤء آشوبی ہیال
 سرجمہ ہلاس گُت انت ء چین سرمایہ دار بلاکہ ہوار گیجگہ رند انچیں
 پیسلہ زرت دانکہ چائنا وتی گامانی سرہ اُوشتات بہ کنت۔ ماؤء زمانگہء
 آشوبی ہیال مہکم بوتگ انت بلہ ریاستیہ بنیادہ ہمہ تاکتہ جاہہ سر نہ
 کنگ کہ پہ آئیء چینہ وتی واب دیستگ ات۔ ماؤء مرگہء پد اشیء لبزانک ء
 ہیال چینی کمیونسٹ پارٹیء مان چائناہ ہلاس کت انت پرچا کہ اگان ماؤء
 ہیال زندگ بوتیں ات انت گڑا مہلوک دیمترہ ہکومتہ ہلاپہ بغاوت کنانہ
 نوکیں دروشمہ دیمہ اورتگ ات۔ چینی ڈپلومیٹک راجہء بستارہ وتی
 پائیدگانی گڈی ہدہ روگہ ساڑی انت۔ آیانی نزہ لیکہء جاہہ وتی راجی
 پائیدگ اژدری انت۔ کجام ملکہء کجام لیکہ زورگی انت ء اشیء پسہ اش انت
 کہ لیکہ ملکہء گوستانکی جیڑہاں ہلاس کت کنت یا کہ ناں۔

1960ء زمانگہ آشوبی مٹی آہگہ سوبہ سلاہندین چینی پوج وتہ نوکین ہسابہ دیمہ کارایت۔ 1980ء ہشت جنگی جہازہ ہوار یک ٹاسک فورسے بحرالکابلہ تہ ہشت ہزار میلہ سرکنانہ یک مشنہ سرجم کت کہ چینی آپی تاکتہ اولی گامگیج ات۔ کمیونسٹ پارٹیہ سروک شی چن پنگ وتی کتابہ نبشتہ کنت کہ چینہ مارکسزمہ بنکی رھبند گون راستیہ شوہاز کنگی انت ۽ چینی کمیونسٹہ دنیاہ را سرپد ۽ مٹ کنگہ زلورت انت۔ ادہ اے گپہ گیش کنان کہ مارکسزمہ تیرہ چینی آشوبہ ریفارمیشنہ نشانگہ سرہ جنگی انت۔

آسر:

چائناہ راجی آجوئی جنزہ سرہ اے نبشتانک بہ گندئہ ناسرجم انت۔ بلے اشیہ مسترین سوب ہمیش انت کہ اے راجی جنزہ ۽ ہاس چینی کمیونسٹ پارٹیہ سی سالی جنز انت کہ آپارٹی 1921 ۽ جوڈ بیت 1949ء آجو بیت۔ اے میانہ چینی راج اپیونہ سلکاری، بے وانندگی، گس جنگی، دنیاہ مسترین آبادی ۽ گراؤنڈہ تہ چست ۽ ایر بوگ وتی تہ ہزاران جست ودی کن انت۔ اپیونی، گس جنگی، اندری اڈاند ۽ موہ پرستی ۽ زورآورہ ہلاپہ جنگ، لیکہی اڈاند، دراجکشین روانک ۽ چائناہ سلاہندین جہد، آئیہ ڈیپارمنٹ ۽ کش ۽ گورہ کمکہ پد دزکشی، چائناہ دژمن امریکہ، جاپان، کومنتانک ۽ برطانیہ یکمشتیہ ہلاپہ چینی راجی جنز گام جنانہ دومی جہانی جنگہ وھدہ جاپانہ پروش ورگہ بابتہ سرجمہ گپ ۽ تران کنگ بوت۔ بلے بہ گندئہ ما جتائین سرھال بہ زرت این گڑا جوانتر ات۔ البتہ پہ وانوکاں اے بنکی ہیال انت کہ چائناہ جنز اے داب ۽ وانگ ۽ ٹیاسگ بہ بیت بلے دنیاہ اولی راجی جنز انت کہ آجوئیہ پد ہزاران جیڑھانی آماچ بیت۔ ہمہ راج آجوئیہ پد ہم اڈاندانی آماچ بیت کہ اشیہ را اے ربیدگی آشوبہ نام دیگ بوت۔ ربیدگی آشوب وتی تہ بلائین باوستے بلے اشیہ پد

چینء تہء نوکتریں هیال ء لیکہاں سر چست کت۔ اے بنکی هیال انت کہ
آجوئیء پد مارا گندگء کاینت۔

گڈسرء انوگیں سیاسی چست ء ایرانی تہء چائناء سروکء پالیسیء
وان این گڑا یک مزنیں فکرے دیمء کیت انت۔ هاس اے باروہء نوکیں
کتابے ”شی چنگ پنگ ء آئیء هاکمی ترزکار“ ء تہء مدامی همے پروگرام ء
سان دیمء کاینت کہ سروک وهدهے کہ ایدگہ ملکانی دورہء روگء انت گڑا
آئیء گوستانکء وانگء پد آئیء تجزیہ کنانء همے پیمء آئیء گون نیاد کنگ
ء الاٹنس جوڑ کنگء انت۔ مسالء هبرء سعودی عربء گون الاٹنسء جوڑ
کنگء چہ پیش آئیء ربیدگ ء ایدگہ سرجمیں تک ء پھناتانی چارگء پد
برادرانہ سیادیء نامء وتی ایجمنی جوڑ بہ کن انت۔ چینی کمیونسٹ پارٹیء
وتی گوستانکء انچیں چیزے مار اتگ کہ وتی وانگی یا زانشتی رھبند بزائ
نالچ سسٹمء دنیاء سر نہ کت گڑا ما سرجمء سوہمند بوت نہ کنیں۔ مروچاں
چائنا وتی ربیدگی پروگرامء نامء وتی زبانء سر کنگء کنفیوشس ادارہء برانچ
مان دنیاء پیچ کتگ انت۔ اشیء مول ء مراد اش انت کہ چائنا روزیگی هوالہء
پد ربیدگء هوالہء چوں وتء دنیاء سر کت کنت۔ چائناء نوکتریں لیڈرشپ
همے پروگرامء سرء دلگوش آنت۔ گڈ سرء اے نبشتانکء بازیں کمیء گنجائش
هست انت۔ وانندگیں ورنا اے نبشتانکء وانگء پد نوکتریں باوست ء پٹ ء
پولء نیمگء بہ رو انت ء دنیاء همک راجانی اڈانداں الم بہ وان انت۔ ما
دنیاء همک راج ء راجی جنزانی تہنا سوہمندی وتنگ آنت ء همیشاں چہ
سکین زورانء یک وشى یے نیمگء شتگ این بلے چائناء آشوبی جنزء زگریں
تہلیانی وانگء پد بوت کنت کہ ما کسانیں کچےء وتی سیاسی نادراھی،
نزوری ء اڈانداں دلجمیء وانگ ء سرپد بوت کن ہیں۔



چائینیز کمیونسٹ پارٹی

اے کتابک عمن ءمراد اے نہ انت کہ ہستیں دور ء زمانگاں چینی کمیونسٹ پارٹی ء ماڈل ء طرز کار ء بلوچ گیگانی ء بہ گرانٹ، یا ما بلوچ و تو ا جھی زر موشت ء سوشلسٹ اصول ء لیکہ ء بنیاد ء دم ء بہ جنزین ایس۔ بلے سی۔ سی۔ پی ء آؤرتگیں آشوب نہ تھنا طاقت ء بزہ ء مٹ کنت، بلکین سر جیس چینی چاگرد ء مٹیگ ء سو بھند بیت ء سامراجی ء ایردستی ء دوسد سالی ساناں چہ ہنڈالاں گوج ایت۔ ء پرے کار ء ماؤ یکشل ء آشوبی زانت ءھیال ء دیم ء کاریت، کہ مارا مہلوک یکہرے نہ ایوک ء سر پد کنگی انت بلکین ہمک روج آشوبی علم ء عمل ء چکاس ء گوازینگی انت، گڑانوں آوتی اندر ء آشوب ء سو بین بوت کنت۔

ہمے داب ء بلوچ ء پھم الم انت، کہ آنہ تھناوتی چاگرد ء راج ء ونہنی آجوتی ء جہد ء مہکم ء آرگنائزڈ بہ کنت بلکین ہمیشی ء ہواری ء دنیا ء آشوبانی وانگ ء آھانی در برگ ء پدوتی ہست ء گوست ء تضادانی گیشواری ء کوششت بہ کنت۔ اے کتابک ماؤ ء جہد ء چینی آشوب ء پھمگ ء پھ کسانیں باوست ء بندات کنگ ء کوشستے۔

ماؤ ء نکانی وانگ ء رند ہے پد بیت کہ آئی ء پارٹی ء جہز ء ہمک تک ء پھنات ء تضادوتی نبشتہ ء بہرنگ انت۔ گڑا بلوچ زانت کار ء رھشون ہم بلوچ جہز، پارٹی ء گلانی ہمک کسان داں مزینں جہزہ ء ججالانی سر ء نبشتہ بہ کن انت ء سیاسی اڈانداں گیشوار کنگ ء پھ جہد بہ کن انت۔

اداریہ

گار پبلیکیشنز

www.bsoazad.org

